





江辰六文集

貴陽

江闔辰六氏著

兄

江源逢其氏

弟

江澄梁雪氏

江湘文江氏同校

卷十目次

詩

五言律詩三百二十六首



正言卷三十一二十六首

書

卷十目次

五言律

莫笑

沉江

五言律

沉江雜咏

莫笑天涯客秋江歲幾回  
魚梁排浪出牧笛繞山來  
舟與灘聲敵村從煙影開  
此行堪廢食炊子漫勞催

二

亂石當江立剛容短櫂回  
淺沙看鳥浴荒市喜人來  
紅葉停邊遠青山合處開  
獨吟還擊鉢無事雨相催

三

寺山巔寄孤橋樹杪  
同經年無客至隔岸見僧來

詩

五言律

湖外集



月到更闌好雲過飯後開已拚高臥穩不管曉鐘催  
四

每逢奇勝地不厭首頻回城跨山腰去江穿石縫來  
漁燈寒倍早村店夜猶開病起耽宵坐荒鷄莫更催

五

漸到山幽處勞人亦嬾回身疑三島過天放一舟來  
絕壁藤梯穩懸崖竹屋開江干偏日永晝漏不聞催

六  
五言律

沉江將次盡跬步一紆回瘴近谿多霧山深雁不來

荒城無藉閉險道却誰開應喜舟如葉東風又力催

碌碌

碌碌江頭客深秋束遠裝寒花能不厭野鳥亦成行  
鼓枻波痕綠開尊竹葉香只疑沙岸上牛馬笑人忙

黔陽

荒寂黔陽縣江行亦自幽亂猿蟠石壁一獺立漁舟  
客久風霜苦山寒草木秋孤吟還讀史不禁旅人愁

馬公驛

鄉心千里遠客况一舟輕水落江初冷霜收岸漸明



澄潭能見影幽鳥不知名却怪深林外猶聞雞犬聲  
沅州  
山勢隨城轉江流帶樹斜冬深猶見蝶地煖固宜花  
驛舍閑官騎漁翁話酒家往來應不厭莫更怨天涯

野泊

荒岸何寥廓維舟近柳枝緣溪還煮藥得石且留詩  
月上漁歌發霜寒戍鼓遲征途饒逸興分得旅人知

溪行

溪行蕭瑟盡覽勝復如何山碧雲逾白林深花自多

憐人猿不哭傲客鳥能歌此際殊堪憶孤舟繫薜蘿

涉海螺山甕子洞明月庵諸灘

緣谿迴短棹是境盡移情雲日從峯變雷霆入地生  
穿林通野市隔岸見孤城祗爲耽幽趣湍流絕不驚

穿石洞

石穴疑疏鑿神功此較稀深能容月入狹不礙雲飛  
水落通樵徑花明得釣磯山翁知選勝相伴結柴扉  
平越道上遇雪

征鴻應有意獨與雪爭飛絮不私官柳花多上客衣



亂峯宜晚霽寒谷愛朝暉却羨山家樂  
壺頭書掩扉  
蒼雲洞

道傍生傑構門內有深谿猶恐蛟龍臥  
長留月露栖  
石平堪布坐徑僻欲燃犀濟勝漸無具  
耶將蘇壁題  
華嚴洞

黔山多洞壑此地幾何年石浪翻千疊  
峰根闢一天  
微嫌僧舍礙長帶嶺雲懸結覽停征騎  
溪聲動暮烟

寄張大叅

作客七千里思君四月天有時頻見夢  
無計賦言還

筑向愁中切書從病裏傳親朋如訊問  
風雨尚幽燕

月夜懷諸叔父

桂魄上東林庭陰半院深每逢清夜月  
輒動故鄉心  
露冷青衫薄霜嚴秋氣侵天涯疎骨肉  
遙憶一沾襟

讀華屏山樵諸集

少壯輕千里登臨著萬篇天心宜爾忌  
吾道愧人憐  
逸興從丹鼎高懷寄木田把書長竟日  
生事任蕭然

湖口望匡山次曾庭聞韻

彭蠡浮青靄匡山落紫虛東南雲盡後  
吳楚雪消初



江表詩集 卷十 四  
遙對懷高隱輕過悔自疎勝遊應有癖重泊意何如  
別內弟凌遠惕若

積歲今相見經旬復遠征他鄉雲樹隔此日別離輕  
把酒仍疑夢當春却繫情向來有限事入雨作愁聲

昭陽城頭晚眺

偶上城南望湖雲極澗天更無山碍月但見水生烟  
夕浪翻漁火微風動客船疎鐘何處寺寥廓轉悠然

同魏熙簡過徐園

直訝好崖谷園開適此間堦前通碧澗屋裏得青山

春老花疎密月明人往還君家多逸興偏對野鷗閒

立夏前一夜舟行

一夜春光老孤樽尙客船江雲沉黑盡村火亂紅懸  
風入潮聲細星過水面圓閨中何處夢莫到片帆邊

訪友

孤居生寂寞隨雨過東籬江樹初收溼林鐘欲度遲  
黃知鶯囀處綠折筍肥時可識柴扉外人來索咏詩

潤州

江城山外迴兵火幾年餘招隱風流謝藏春花鳥虛



晴嵐封北固雪浪捲南徐鷗鷺偏多暇沙邊倚老漁  
西子湖

偶發西湖棹何妨趁雨開雲酣沉淑浦烟被出樓臺  
浪白千迴細山青四面來堤邊歌吹地瞻望重徘徊

二五

霽色融城郭清陰散梵宮亂峯明水底野火隔林中  
月落堤初白花開浪盡紅典衰渾往事醉泊六橋東

郡齋梅樹

一種蕭疎致何來玉署間不爭繁卉艷獨與晚烟閒

夢冷應憐月影清如在山孤標當有意畱待逸人還

游寶慶寺

臨溪清絕處西郭倍深幽木落千山冷風高萬壑秋  
行來青靄合坐久白雲流未盡探竒興爲停半日舟

逆旅見燕

天涯同是客如爾却雙飛晝永情偏麗巢成出漸稀  
芳郊真自得草舍儘堪依借問孤征者何爲久不歸

南園

開簾啼鳥近入幕晚山斜風靜蟬千樹烟收月萬家



當池添稚竹繞徑有繁花不厭頻來在休教負物華  
蟋蟀

涼風吹玉漏落葉雜成聲不爲頻年見偏教萬感生  
喚醒長夜夢驚起故鄉情只合耽岑寂君何苦欲鳴

舟夜

聽得三更雁偏隨萬里船江風吹夢冷村酒載愁眠  
客思殘燈裏鄉心亂杵邊孤颿秋已暮遊子倍凄然

遊圓證資福諸寺

幾處鐘初定春林露未乾松陰晴欲雨竹影晝生寒

地僻雲霞靜山幽歲月寬花知前嶺盛次第渡谿看

荅川署中四首

晏起從吾懶高吟喜事疎禽聲喧院落花氣散牕虛  
翠著苔痕淺青看柳眼舒夜來還剔燭重展讀殘書

二

風景良多負年來得學閒隔簾聽曉雨倚戶看春山  
宿酒纏綿醉新詩展轉刪但從亭畔去鎮日坐花間

三

數畝梅爭發春光剩幾分  
崔嵬當徑草山度隔城雲



薄霧花邊盡香風竹下聞良朋三五輩觴詠各爲群

四

郡圃能幽靜渾如郭外居園增新種樹榻積舊藏書  
有客風流藉惟吾禮數疎折花兼飼雀此樂復何如

雜咏

風塵磨傲骨王粲一身多忤意勞牽夢違時託浩歌  
家貧吾道在客久奈親何歸思爭春燕非徒憶薜蘿

二

鄉書來昨夜字字責還家歸計山難買生涯月易賒

孤琴悲驛路短鋏敝年華牢落終緣拙行藏莫浪嗟

秋日留別孫介夫

欲命東歸騎還維北渡舟  
夢連三萼遠人似四明幽  
湖上燈殘夜江干雁早秋  
祇將雲樹望渺渺不勝愁  
歸舟次梅村先生韻五首

盛世青雲貴貧家白髮尊  
身猶康以健孫各冠而婚  
坐定還扶杖知歸早倚門  
報劉曾有願中路不堪論

二

客舍年光易徘徊轉自哀  
戶庭何日到懷抱幾時開



故園雲邊遠孤帆天際回高堂須臾飯兒輩已歸來

三

每憐姜被冷客夢不成歡世態秋雲薄人情蜀道難  
弟兄終歲別事業壯年看但使長相聚窮居勝得官

四

弱姪依孀嫂艱難度可知功名宜自立世澤未經衰  
似汝輩須早如吾悔已遲青瑣元故物舍爾復歸誰

五

料道衡門外朝來鵲語忙憶家心獨苦到日喜應狂

花影依臺靜蕭聲傍月長及今歸已晚肯更負秋光

得外舅書

五湖書到日江上正初寒會應連宵夢爲傳一字安

告言諸弟好呼共細君看更喜多佳政離愁已盡寬

二

漫問歸何事惟燈夜雨寒門庭從寂莫家室賴平安  
市酒容賒醉隣書許借看廣陵秋正好月到寸心寬

菰城重晤徐碩林時予將歸邗上賦別

看花逢罨畫坐月憶江頭一日頻年別重經幾地秋



君才今愈老。吾性舊多愁。客久東歸切。維舟且暫留。

園鶴

生我應何意。翻爲鷄鶩輕。有時長獨立。不欲向人鳴。  
羽鍛年空長。形癯影自清。雷門休更戀。江上正雲橫。

過秋嶽先生倦圃

不識東山墅。遙連西子臺。山巖從石轉。花圃傍城開。  
積翠風前亂。浮嵐水面來。畫橋容笑語。魚鳥不相猜。

二

大木門偏寂。綠山徑自幽。一溪秋葉響。半壁晚烟稠。

松檜侵鄰寺。芙蓉映小樓。幾時重問訊。月下更移舟。

秋嶽先生招飲齋園

小山何曲折。衆壑自縱橫。松竹秋逾碧。池塘晚更清。  
風流吾黨事。道義故人情。話到花暝後。高城漏四更。

越州道上

取次過村落。真堪慰遠遊。老漁擔蟹網。少婦盪菱舟。  
近水多成市。看山半是樓。此生爲俗累。何日遂滄洲。  
渡錢塘。幾致沉溺。旣渡有作。

片帆纔半渡。巨浪走江豚。風勁蛟龍怒。雨腥天地昏。



浮沉應有定憂喜復何存却羨漁家子拋簞靜掩門

除夕前一日

何事空馳逐頻年作浪遊疎鐘荒驛外萬慮五更頭  
敗葉飛將盡寒雲嬾不流囊空當遠道歲暮可勝愁

蠻家

入箐愁蠻雨還山避瘴烟吹笙歌石上打鼓舞谿邊  
跣足披氊出科頭裂錦纏頗知勤稼穡雞骨問豐年

元旦後二日

客路起長早吟成星在天雲連空岸濶日上遠山懸

野市多臨水春光盡入船向來無所事不諳歲華遷

贈本公

愛寂過西隱乘閒到沃州稚鶯曉老樹脩竹遶寒流  
問道逢思邈談詩得貫休遠山殊不厭長嘯一登樓

秦園

境僻人稀到來長動遠心藤陰侵蘚厚樹影入池深  
翡翠飛無定蜻蜓舞不禁只疑楊柳外更可寄幽尋

別靈本木華內弟

邨堪旬日雨更作渡江人身向間關老情從患難真



他鄉長惜別此際况居貧徙倚蒼溪上臨風一愴神  
石門山木

沿溪通竹徑傍石結柴關是樹多前代無雲不此間  
聽泉妨久臥斲藥得長閒但恐人來往還將覓遠山  
村居

非關村落久終歲喜疎慵治圃凭僮僕編籬學老農  
溪清魚避餌花動鳥知從平遠堪樓望江干見數峯  
曹秋岳先生招同孫阿漚程穆倩張穉恭劉雪  
舫孫無言黃波民徐遠將高念祖沈進之攜妓

集飲康山限韻

選勝當秋盡相招過草堂詞名推謝傅畫聖有長康  
深巷藏幽壑高臺領衆芳先生能愛客竟日醉江鄉  
且愛登臨近名園在市闌江淮迴檻外吳楚倚闌間  
酒氣浮金榼歌聲落玉環更逢新雨後蒼翠出遙山  
送涂子山之西楚

十年南充客幾度別離杯雲外孤帆去霜前一雁來  
故樓題燕子新句遍魚臺北望勤相憶江楓待蚤回



彭城多異士意氣向來深予獨思龔勝誰還似季心  
壯懷傷短鈇別恨動寒砧何日重沽酒挑燈話古今

哭夢雲

五雲空入夢龜卜總徒然蚤慧難消福能啼倍可憐  
故園猶未遂家學更誰傳却怪修文名偏吾稚子賢

次宋荔裳觀察韻

使星臨絕徼龍節建高車嶺表傳旌石天南仗鑰魚  
披雲瞻鹵簿明月擁圖書更愛相思樹年年伴采蘋

五言律

聞道龍川地竒花滿徑鋪官厨烹馬頰島味奪雕胡  
蠻婦調鸚鵡村童唱鷓鴣他年報政日應似賈逵無

贈高念侶太史張稚恭中書集程穆倩齋頭

裴李金門彥嘉辰憶舊恩仙才淹歲月浪跡小乾坤  
姓字由來貴江湖到處尊杯闌發狂嘯絕倒向雷門

哭梅村先生

盛名真不愧曠代得宗工阮裕終歸隱元瑜安可籠  
人當從樂死世豈以文雄太息杼山路輕舟一別中



江房六文集 卷十五 五言 十一  
幾年遺老盡風度遼山河初爲愁萱草仰心戀玉珂  
頓教犀塵冷莫更酒鑪過治命傳碑碣詞人寄恨多  
病瘧夏口

炎涼真可畏作意困風塵應不憐君子聊須念遠人  
一尊重九日短耀有憂身莫告東歸使愁將白髮親

重九

幾番聞曉雁吾已厭車塵何事茱萸會偏爲道路人  
江湖成浪跡畝畝亦容身但得歸三徑黃花覺愈親

洞庭阻風

九月添新漲天高浪與齊直愁雲影溼還覺雁聲低  
故國書難至他鄉路更迷武陵應不遠咫尺隔湖西

金口阻風

旁午舟爭泊斜帆落未齊風驟寒鳥盡浪疊遠山低  
蘆葉行邊滿邨烟望裏迷老漁渾却顧曳網過江西

老妓

試看章臺柳新枝蚤又齊顏衰羞鏡見髮白怕人題  
却悔生平誤多爲薄倖迷千金誰買笑只合老青溪



江長六文集 卷十 十四  
伏波祠 爲新幹於千金 猶買笑只合青  
間代風猶烈 濱江挾浪來 英心存馬革 壯業薄雲臺  
交趾憑君定 昆明自此開 片言終賈禍 千古令人哀  
蘆葉江行有感 厭整裏衣 志爲平賊 賊賊賊賊  
扁舟如芥大 積浪與山平 風勁魚龍怒 沙寒草木鳴  
頻年勞遠涉 半世累微名 誰識荒江上 霜天有客星  
下第 至如 厭整裏衣 志爲平賊 賊賊賊賊  
早覺諸艱備 慳分一第榮 年來心漸恕 榜下氣難平  
謾說鳴無待 如何化未成 良朋相慰藉 好語倍傷情

那堪仍在客 不忍自嫌身 戀闕終酬志 知予會有人  
及今年尙少 失意語無倫 歸雁書難寄 儒冠累老親  
仗劍來燕市 間關萬四千 壯心摧已盡 吾道困彌堅  
報國真何日 拋書欲問天 長安花正好 無暇爲花憐  
出處都無着 風塵滯羽翰 雅聞徵市駿 不是羨彈冠  
詞賦千秋業 英雄一遇難 孤臣愁去國 肯遽整歸鞍



過道子弟夜話  
行將同作令自笑壯懷非總爲陳書至還先衣錦歸  
幾年兄弟遠竟夜會歡稀共喜青萍在猶堪獻紫微  
雨集吳方漣先生客署  
自知人事拙落拓喜相依雨細全侵坐雲低欲着衣  
門庭連老樹屋角動晴暉好載看花酒豐臺更醉歸  
又今雨宿閩殿聞王宣人張心尼暨表叔山公寓  
不謂塵氛裏何來雨氣清溼分隣樹翠响透晚風輕  
漏下吟初就燈闌寢未成愁將相別去把臂可勝情

日永述懷

無限風塵泪難將對蔡倫驚心荷芰早着眼石榴新  
鎔鑄三春夢羈栖萬里人也知簞笠好生事悞儒巾

登瀛黃金臺

昭玉真下士千古要燕臺易水湯湯去東流迴不回  
高風標碧漢遺蹟任蒿萊辛衍知英主長驅萬里來  
浴蘭傳令節闔草應芳辰明鏡能憐客靈符不療貧  
市城釵盡虎風俗艾爲人把酒生惆悵三閭亦楚臣

臨海午日



市無聞趙交城平山寇有作  
 諭蒙憐瘠土盤錯恐難支  
 城竈心良苦單車績自奇  
 謳歌劉晏石伏臘狄公祠  
 足解宵旰慮非徒畏四知  
 荒城長早閉蕭瑟更秋天  
 廬舍寒雲裏牛羊古渡前  
 登臨餘蔓草坐嘯發空烟  
 在蹟憑誰弔徘徊意惘然  
 送次渾無賴欣看蒲架書  
 盡亭依老樹曲沼亂游魚  
 日永鱸烟細風斜簾影疎  
 有生憑意興傾蓋定交初

游南池

為問南池勝波光正及秋  
 亂帆移漸遠遺碣斷還留  
 啼鳥遲歌板垂楊隱酒樓  
 殷勤賢主簿解與少陵游

九龍廟阻風

湖水何瀾漫扁舟不肯前  
 濤聲寒日日秋氣散荒烟  
 浪汨經年客間關八月天  
 獨吟無賴極還向酒家眠  
 初歸喜鄧孝威程穆倩孫  
 無言韓醉白過錦樹

亭小集次穆倩韻

遠游傷別久撫景惜流年  
 涼露沉秋籟高城起暮烟



治生無善術長醉得真禪  
羞把黃花負春永足酒錢  
送醉白之南沙幕

之子南沙去蒲帆帶月明  
雲收看大海水濶見孤城  
幕府來賓主天涯失弟兄  
霜林無柝折字字作秋聲  
隋水揚州禹廟同曹秋岳前輩作

洪水漫天地元圭竟告成  
精靈周廣斥風雨走江聲  
世遠遷陵谷祠荒雜市城  
那須過烏鼠俯仰一含情  
魚圖二  
隨刊終爲父疏鑿已忘家  
力不遺溝澮功長在水涯

空階陳俎豆片石老煙霞  
一自浮淮後東南罷咄嗟  
六客堂

當年傳雅集隔代憶高風  
簷壓長松下窗開亂石中  
酒光分草綠花影漾燈紅  
蘓李誰云遠清宵興畧同

吳堯山

振衣當絕巘緩步出空濛  
竹密人沾翠樓高樹引紅  
雲歸新雨後烟積亂山中  
幽士曾棲處登臨迥不同

途中除夕

逆旅思鄉夜雙親憶子時  
蹉跎驚歲晚岑寂覺春遲



舊夢憑誰管閒愁落自知料非逢節序獨坐轉生疑  
碧瀾堂夜坐

閒來情較逸靜後暑都忘峭壁微遮月虛簷不礙涼  
花陰停羽扇螢火照羅裳只此多清况誰云是異鄉

韻海樓

附羅弘載記

樓爲唐顏魯公所構居中著韻海鏡源三百卷  
故受其名焉丹甍雲麗雕桷霞連高可五丈許  
南列道場諸峯望若陣雲清霽素朝浮屠碧樹  
空澗畧與櫺軒呼應其左老檜蒼槐扶疎翳天怪石

磊磊如青牛偃卧俯而觀之情不給賞北風振  
響時聲如秋濤樓之顛珊珊若有動勢蓋北距  
太湖湖颺迅激樓獨當之唐僧皎然曾以詩詠  
之日惜賞雲歸堞留歡月在窗樓之觀止矣

魯公名勝在樓勢倚雲孤積翠開千嶺驚濤動五湖  
城頭霞未散天半鳥相呼幾度登臨後猶存韻海無  
與詩堂小集

一自繁蕪去西園迥不同鳥嘯

啼本字

叢竹裏人醉百

花中蕉襯紗窗碧山銜夕照紅高歌清夜永莫使酒







欲雨添幽思逢僧動遠心緣牆看畫聖四壁更陰森  
寺壁皆宋石門先生所畫山水

二亭山後迴憑眺見菰城烟漲繁陰暗風迴疊翠清  
坐邊流水曲歸路晚雲平老衲耽幽靜猶嫌雀鳥聲

吳江舟次

江城楓葉急野寺曉鐘寒溪盡山應近詩成字未安  
水禽雲外沒村舍雨中看一爲推篷出悠然天地寬

送黃庭表次韻

一城谿色裏六客雨聲間畫槳題浮玉窪尊醉峴山

人啜風月癖天放釣屠間願進烏巾釀朝來更往還

二

四澥難知己天涯仗弟兄那堪連夕話又見片帆行  
江樹縈離夢湖雲悵別情却還當夜半愁逐雁聲生

會稽別廣霞

同是江南客嚴寒滯遠天才停梅市騎夏買武林船  
侶我愁空積如君事已傳須臾回首望晴雪萬山懸

三

幾回江上渡百里雪中還多難逢良友無心愛看山



人情憑白墮歸夢遶烏蠻得此空堂話聊爲破旅顏  
除夜卽事

潮聲和雨至清籟入華胥帶倦重燒燭沉酣更讀書  
一江歸未得五夜意何如才覺村雞近誰知臘已除  
賦得客睡何曾着次少陵韻

倚枕偏愁寂春江月苦明漁燈寒少色岼樹夜無聲  
磊落空前事艱難盡此生更添親串故那得不關情

飲程穆倩齋頭

才名誰復似程邈識前身傲豈輕軒冕貧能守隱淪

紅醪銷壘魄白髮困風塵十載忘年友天涯喜更親

乾明寺

野寺湖光接危樓礙太虛濤聲鐘歇後雲氣雨收初  
徑引桃花入門垂楊柳疎可容塵俗子一聽梵王書  
易功十過訪有懷

十月臨邛客惟君日一過山川吳楚大名勝漢江多  
月色連城靜秋聲奈夜何康成勞夢寐惆悵隔關河

退翁亭

一亭葺曲折踞勝見經營老樹難相舍幽泉不肯鳴



江表文集 卷十 五言律 二十三  
風塵無路入嶺翠帶雲橫自喜心顏豁長吟到五更

臥佛寺

偃臥奚爲者悠然入睡鄉那知更漢魏無日不羲皇  
大地何由覺蒼生未可忘想當憂世忌非是厭津梁

娑羅樹

僅見娑羅樹徘徊愛撫摩來時花未發佳處癭爲多  
歲月應難記滄桑更幾過雅聞西域好萬里意如何

五花寺

穿樹疑無路看山更得樓登高如有獲踞勝復何求

月到窗能受春來地亦幽半生泉石癖興至一淹留

廣泉寺

攀蘿筋力竭入寺忽山顛盤疊枝頭杏杯香磬底泉  
梵宮荒故址林木蔽空天方外關興廢登臨一惘然

香山寺

寺徑隱山隈層階破碧苔曠堪容竹木幽不厭池臺  
雲氣侵衣濕朝光拂檻來只應多載酒借榻不須回

表忠寺白松

疎雨洗龍鱗翛然遠市塵入雲難辨識着雪倍精神



歲久盤根大陰成與物親此生惟愛潔長恐去江濱  
表忠寺鐫鼓

漫把桐魚擊須知百鍊成向人如玉潤擲地作金聲  
豈必逢支遁差堪壯禰衡揚搥風雨夜衆壑若爲鳴  
摩訶庵

都城何太近朝士愛留連松下堪忘暑花時不欲眠  
盛衰餘老衲興廢寄中涓往事偏增感重來忽十年  
觀摩訶庵杏實

杏林將百畝垂實散朱霞帶綠偏宜葉殷紅亦似花  
曾聞供寢廟真可進官家疑與含章近離離雨露賒  
客偶以花片浮流水因有作

浮沉通物理去住亦天真艷冷深憐水香微故戀人  
江河今漸下魚鳥舊相親未解花枝意漁郎漫問津  
王荏平招游西山旣歸報謝

是山堪眷戀同好亦奇緣拄笏都忘暑含毫直廢眠  
姓名通帝座踪跡寄諸天累日添佳話松間共着鞭  
汪水部困於僦居有作依韻解之

黃金倘未盡世道總無難廣廈須千萬人教卒歲安



誅求容市井清望自朝端賜宅殊恩在君姑息羽翰  
咏湯姬

江春猶未動長夜賴誰安似我腸空熱頻卿夢不寒  
涼珠無足異火玉欲同看莫更傷離索羈愁若爲寬

宿李太史書屋

風雅今誰屬如君果軼倫少陵多感慨開府自清新  
擊鉢慚非偶聯床幸有人拚將燕市酒一倒接離巾

遥和天津夜棹

遥想乘流夜呼將大白浮村烟堤外合海色月中收

朱芾書兼畫張融屋是舟不因翻藥裏更得一人游

鄭家口夜泊

野鳥歸飛急孤帆落暮天看雲千里外貰酒一村前  
高岫翻明月疎林入遠烟臨流堪不寐無語亦悠然

過聊城

短櫂高城下寒雲落日餘樓臺新苑圃雞犬舊田廬  
波影和風細蟬聲帶柳疎強齊今已矣千古魯連書

重晤柳公窻

行吟多絕調家學舊工書結客爭金石論文辨魯魚



見童能禮讓堂舍本蕭疎低徊京雒事挑燈話最初  
黃河放舟

兩岍孤琴外千村一枕中遠雲連野白曉日射波紅  
天澗檣鳥小春殘渚雁空乘流饒自得無事石尤風  
過鄧孝威文選樓寓

清梵齊梁地猶傳帝子樓川原經百劫文字徑千秋  
應許高人臥還爲勝事留追歡能不厭朋好但來游

直愛江天豁都教城市幽閉門堪避俗卷慢亦銷憂

月滿懸京口峰高落石頭祇今春未暮杯外更何求  
送半隱歸蜀

世亂干戈劇時清道路通難難歸最得肥遯念餓空  
萬里全家去孤舟幾日中蜀門何日到急雪且江風

二

故國今無恙歸逢花木時猿聞家漸近峽險地爭奇  
鄰里應非舊溪山足可思早將廬基掃莫作別離悲  
有感

廿年烽火息復作亂離悲震蕩還無慮邊隅亦可危



蠻烟侵鼓角苦雨暗旌旗禁旅聞交戰曾何奏捷遲

二

宵旰何日慰恩澤在諸臣道遠勞征戍春寒倍苦辛

關河人未定羽檄信難真民命嗟黔楚兵戈苦太頻

三

烟塵偏攘攘荆棘漸紛紛關慮兼家國憂心迫見聞  
半生成浪迹無地可耕耘兵甲幾時盡重陰掩夕曛

四

雞栖無定在世亂喜家輕宛雒書來少湘沅勢未平

悠悠甘養拙忽忽計全生廟算應深遠何勞學請纓

喜晴

驚傳豺虎信不耐雨經旬睡起聞啼鳥郊游見酒人

惜花如望歲得日始知春雲翳飛還盡江峰見愈真

移家

扁舟何所載漁父浪相猜擔荷饒書卷行藏寄酒杯  
蟾光當坐下樹影過牆來長恐荒三徑何時放櫂回

哭鄭休園先輩

詞人多水部興味讓君豪素與鶯花狎都忘諷詠勞



楷模推父執奏議重見曹把劍真愁絕松楸帶雨號

二

方愁喪亂急忽報死生殊眼見孤孫立心因愛子枯  
百年成石火一夢只須臾風雅何凋謝妻其對綠蕪  
吳陵午日同去瑕左巖舟次飲豎門寓齋同用

花字韻

荒城無蕘渡雨燕受風斜判倒盈尊酒還看蒲架花  
逢人都在客得醉卽爲家一樣天中節如何滯海涯

龔宗伯靈觀南歸

兩朝蒙異數富貴懈生初樞要當無媿聲華洵不虛  
臣心存諫草家計有遺書祇此還鄉井長疑戀玉除

朝罷非無暇曾何廢簡篇風流傳宇內賓從盛生前  
性不忘絲竹情多寄寶鈿履聲今已矣悽絕故琴邊

湯石臣招邀對雨

朱夏旱無雨炎蒸闔不開耕牛方喘月農父喜聞雷  
濕翠和烟滴涼吹入坐來何妨泥濘裏一醉習池回  
不使題友人別業



不到東西漲如何識草堂小橋看已就新竹喜成行  
几硯思前事登臨託異鄉志和今泛宅恰恰近君旁  
村舍剛容膝閒情轉自淡簾鈞驚燕子衣桁過花陰  
嘯詠能無碍朝昏有會心臨風傳細響何處解抽琴

六月才知暑深居費護持熱中真可慮炙手亦堪危  
得計從袁紹無厭笑敬兒買山何日遂松色冷鬚眉

苦熱爭芒刺禽魚氣不蘓趨炎才久拙救渴策全無  
安得千村雨休教百穀枯將軍猶戰伐汗馬出邊隅

汝曹何所畏引顛亦桓桓知足猶能免深藏得苟安  
力難勝搏擊身自速摧殘漫信山堪負東方報夜闌

屏跡成疎嬾荒村着處幽科頭長入市信步即臨流  
野雀喧窗下閒花笑案頭晚晴添得月箇箇弄漁舟



田間真自得水濶見天高牧豎歌偏好農家飲最豪  
短籬新補綴曲巷舊蓬蒿永晝渾無事焚香著廣騷

甲寅中秋

一年今夕勝對月此心清牧豎還知羨栖禽了不驚  
高懷誰庾亮朗詠屬袁宏空濶雲陰盡寒光倍市城

移葬內許氏于徐家橋

震鄰烽火急戶戶治新阡飄泊成今日蹉跎忽卅年  
移將春雪裏葬近祖塋邊白骨應無恙青山獨惘然  
昔歲題外舅看奕軒

看奕何爲者軒名足可思當前長錯料局外卒難知  
久悟興衰理初忘得喪時自今無累卵安坐莫驚疑

村夜

憑誰操黑白知守總相違反覆愁諛柄和平謝禍機  
爭先謀已失貪勝計全非亦有聊城客從容足解圍

村夜

村落無來往雙扉愛早關昏鴉爭樹杪新月到窗間  
事減容高枕心清麈入山只今消百慮倘得潤朱顏  
映無洞庭附客舟渡湖爲客遲後舟不至



知無東道主何事更停舟似爲湖山住非關風雨留  
語言從容怪進止替人愁指屈冬將盡吾今尙遠遊  
次韻別外舅暨內弟石葉霽本

南望江雲隔傷心是早梅乾坤烽火急親故亂離來  
閱世逢多難乘時嘆乏才祇今何地善且趁片帆回  
三吳游最勝春色足招尋金谷何曾遠香溪不在深  
豪吟添酒病歡會減鄉心屢共看花去悠然雀與琴

香奩三

衝雪謀相聚追隨忽淡辰亂翻長在客愁不爲傷春  
貧賤偏多感親朋更幾人直須沉醉別莫怨綠楊津

四

當代求賢急長驅正及時孔璋曾草檄康樂且論詩  
國士非無據書生未易知他年應記別風雨黯江湄  
吳門許先生以郡伯從戎荊州奉命撤回相

見廣陵賦送

五馬臨征伐荆南報解圍鏡歌存國雅露布壯皇威  
出塞孤臣遠還京雙鬢非相逢裘帶敝五月戰場歸



江表文集卷之五十五  
二  
辛苦憑誰共間關漫自憐枕戈來壁壘聚米識山川  
絕徼騰兵氣何年靖塞烟此行宣室召廊廟待旋乾  
容園同五弟作

不妨紆徑路直可廢樓臺池水知潮信松陰洗石苔  
靜常看鳥下幽似入山來荒盡堪消夏游人日往回

二

顏敗還如此其如造物何經營忘歲月磬折好巖阿  
咫尺探無盡孤行得已多轉憐全勝日歌舞亂藤蘿

九日同伯衡健菴子脩三君聞公穆倩孝威叔  
定舟次蛟門諸子泛舟登平山堂用少陵夔州

九日韻

清秋宜出郭濁酒且傳杯勝蹟何時廢高原萬里開  
一江真浩渺列嶂自紆迴不盡登臨意還須策馬來

二

野泊何蕭爽尊罍媿具文水澄秋爛熳月白樹繽紛  
聚散成今昔追歡愜見聞黃昏歸路好城市有烟雲

九日再占三首之二



却憶十年事，牂柯獨把杯。  
洲憐芳杜好，門對菊花開。  
道路從迢遞，兵戈苦縵迴。  
五溪猶壁壘，何日凱歌來。

長安從水部，此日記論文。  
不謂逢朝士，都能遠世紛。  
琴尊秋後數，笑語夜深聞。  
廷尉今羅雀，相思結暮雲。

書方脉望黃山游記後

閒氣結黃山，千秋定得名。  
地靈疑盡洩，仙異愛孤行。  
紙上須呼出，山中費寫生。  
只今身未到，百慮若爲清。  
午日遲客不至

寒暑尋常易，消將兩鬢青。  
蟾蜍偏應候，鴈鶴轉多靈。  
客舍虛歌咲，生涯託醉醒。  
達人增寂莫，旁午憶家庭。

同羅蘿村羅亦蒿王捫霞游龍潭次韻

流覽澄潭上，忽生濠濮心。  
蛟龍終歲伏，花木四時深。  
地勝忘城市，碑荒閱古今。  
新秋添爽氣，堪許幾人尋。

別院何寥廓，都城只此幽。  
連雲天闕迥，半壁晚山秋。  
客愧非江令，僧誰爲貫休。  
高吟造物忌，無語對龍湫。

千公過王荏平新居書壁



于公門自迴容，鄰且爲家種竹須。千个移書過五車，  
筆花傳禁掖，囊草重金華。還喜追隨近，長吟到月斜。  
吳方漣大行，招同對雪。雲天開曉色，  
敢辭騎馬滑，衝雪踏泥途。宦况如公冷，交情到此無。  
濁醪愁祿米，雜坐喜江湖。捲幔看庭樹，酣歌總畫圖。  
答別沈允斌度汪

孤行衝雨雪，生事敞貂裘。自笑長爲客，于今亦倦游。  
窮通那足惜，去住不禁愁。旅雁偏無賴，聲聲苦未休。

游亦園次李閣學韻

馬蹄何足惜，結覽得芳辰。已作三江路，全祛萬斛塵。  
地分南苑勝，花接上林春。始識賢師相，重門不拒人。

二

門間新淥濕，徑僻亂烟浮。迹地剛旋馬，清流足泛舟。  
何當燕市裏，忽向習池游。皖峴依深柳，韶華近麥秋。

三

蒲日峰巒集，真堪忘歲年。山光迴樹杪，鳥影落衣前。  
草媚春深日，雲生雨過天。翻疑難給賞，徙倚意悠然。

四



中流開畫閣積翠數重圍風燕連檐動沙鷗趁浪飛  
晴空宜俯檻涼吹欲添衣縹緲臨無地澄潭總化機  
五  
綵虹衝漲出銀漢帶烟沉上接雲霄迥下同滄海深  
蒼茫搖粉堞迢遞抱春岑我欲擔琴至臨流送遠音

六

磊磊梅垂實娟娟竹有孫谿堂書滿屋畫舫柳迎門  
風日添山色烟波洗雨痕坐來森爽甚直是浣花村

七

人當崇嶺落林外水亭孤幽异三洲境峻嶒五岳圖  
雲霞藏洞壑魚鳥戀江湖燕喜誰爲記千秋表上都

八

皎鏡空雲水朱鱗映玉珂滄溟通窟宅蒲藻亦行窩  
芳餌曾何意游人不厭多只因無網罟跋浪更相過

九

鼉梁橫絕澗忽漫接天台隔隄延村落疎藤引月來  
還須呼舊雨判與貫新醅野鳥渾相狎狂歌不復猜



補衮疑無暇，圍碁愛獨閒。  
襟懷天地外，翰墨褚歐間。  
黃閣勞經畫，青尊展道顏。  
風流堪想望，不爲陸渾山。

送鞠侍御巡視河東

古道出平陽，鋒車俯大荒。  
川原多禹蹟，城郭接秦疆。  
秋老鷹鸇勁，天空旌旆揚。  
一時尊表率，侯牧凜風霜。  
得家書，知外舅，至邗上，寄懷。

知汨梁谿久，何時到敝廬。  
相思頻入夢，使至轉無書。  
故國經年別，秋風落葉疎。  
揚州明月夜，遠念復何如。

二

十里經橋地，芙蓉倚櫂開。  
浮沉憑賣賦，迢遞憶登臺。  
客路胡琴碎，鄉心塞雁哀。  
江城秋最勝，誰爲倒尊罍。  
送徐勝力之任城

任城多水次，官舍顛江鄉。  
高檣迎雲碧，新荷拂岸香。  
登臨懷李杜，形勝擁齊梁。  
但憶曾游處，思君未易忘。

刺蘼園看松

鬱鬱橫霜幹，離奇占地靈。  
孤根撐屈鐵，疎影傲寒青。  
子向杯中落，濤須坐上聽。  
蒼虬方便偃，卧風雨卽滄溟。

樓桑村作

人不說

宋吳融

五言律

三十一

湖外集



幾日便除夕何人不憶家異鄉還道路旅思滿天涯  
骨月南中遠風塵北地賒勞勞堪自笑霜雪走京華

哭王惟熙

聞君歸故里雲樹日相思只謂無書久何成永別離  
才人多不壽遠計頗生疑却憶黔江月于今更對誰

雜詠

十年南北走衣帶飽車塵山水容狂客乾坤有棄民  
黔婁元合困司馬豈長貧不謂遭嫫母蛾眉轉見曠

聞說半腸險何如世路危從誇朝槿好在取夏蟲噉  
人且多輕合吾寧不受知青萍聊與約莫忘匣中時  
道經齊河風沙甚惡偶爲紀之

却疑雲驟起亦似雪回還塞路無虛地因風敢蔽天  
翻騰空作勢聚散巧爲緣莫更埋芳草曾依此草邊  
道上  
烟深邨漸小春晚柳初低流水翻鷗背飛花襯馬蹄  
民風存舊魯山勢接全齊莫問前賢蹟榛蕪半鼓鼙

知人河決

詩

五言律

湖外集



誤入蛟龍窟連朝怒未平疾風和地捲巨浪倚雲生  
人胸樓頭出舟憑樹杪行無端驚燕壘歷亂起蛙聲  
乙卯九月丙第不葉至自白門木華至自真州  
著處成依託同懷異地哀乾坤烽火急風雨弟兄來  
自媿居城市相看只酒杯煩愁時事外聊爲兩君開

貧賤怪知己文章有定評空煩傷遇合共許信生平  
骨傲逢時拙才疎任世輕也能消壘塊匣劍自長鳴  
丙辰下第用癸丑原韻解嘲

但惜劉司戶誰知下第榮當年心未死此日氣都平  
殷浩書何補鍾期鑄不成碧桃方爛熳對酒足移情

十年爭一隙指屈羨吾身幾見金門客還爲草野人  
雄懷銷世味歸趣得天倫好把鄉書寄權辭慰老親  
家在烽塵外歸途隔幾千連城沾未易照乘守常堅  
得失何關學行藏總任天秋葵知向日不解自爲憐



四獻長楊賦何堪鍛羽翰天教鴈鷁笑人老鷄鷄冠  
軻轍生平備遭逢亘古難春明門外柳不爲縮歸鞍

徐漢士授庶常

少年同入雒千里共扁舟何得江山助支分烟雨幽  
巴陵曾醉月夏口更登樓十載爭駒隙相逢感舊游

二

齊魯言歸後燕臺載儻居縫衣時偶共貫酒日無虛  
漫笑求勾漏真堪典石渠今輸香案吏盡讀上方書

三

世緒推烏府青蒲引帝裾一時疑激烈半壁免丘墟  
清白懷先德蕭條念敝廬兩家吾獨困造物竟何如

四

承恩叅密勿姓字領華班寒許宮袍覆宵看寶炬還  
引經持國是視草動天顏一代知名士裁雲五色間

糞車

嗟哉溲與滓故故願肩隨漫與金同價偏將驥並馳  
納污誇大度聚穢喜居奇豈爲愁顛覆中衢大可危

五

詩

五言律

湖外集



佟之今已矣好絮復何人遺臭輸魚肆先聲奪市塵  
 居心長不爭掩鼻任為噴潦倒柴車客薰猶自不倫  
 豐臺芍藥盛開

豐臺無隙地花盛路全迷深去香難散奇來色不齊  
 劉歆曾細譜謝眺莫輕題雨露沾濡徧何為雜笑啼

五日鞠侍御招集

過君逢五日對酒有餘思手續蒼生命心求造物知  
 波流終不競鎔鑄久無私半載依山簡頻招到習池

是日再赴李太史酌

佳辰須茗芋此地况雲亭賭酒偏忘倦逢時羨獨醒  
 倚歌驚白雪感慨付青萍復喜安榴好黃昏馬再停

復趙計部之約

競渡江南盛而今看欲闕天涯朋好在客舍酒杯寬  
 量未堪多飲來焉得盡歡如君能愛我感不在盤飧

東李南宮時調主客司

君才無不合此事亦堪傳名士能招客儒臣望若仙  
 容臺司禮樂萃省應星躔聞命逢人說桓榮豈偶然



人是金閨彥名留玉筍班  
新綸兼兩館夙望習諸蠻  
不獨君恩渥深爲國體關  
只今朝貢者各識姓名還  
鞠侍御以涼簟見貽走謝

鄭群唐待御一簟竟須傳  
炎暑從教城中宵念獨賢  
情如深寤寐誼許賤金錢  
過訪慚休映如何累割瓊  
丙辰七夕方漣大行留飲  
以雨後泥濘辭歸寓舍  
因憶癸丑是夕招集有作

兩番逢此夕三載只須臾  
青鳥成今昔黃姑定有無  
遭時憑麴蘖作客信泥塗  
親串能相惜天涯興不孤

送趙又呂令介州

君才非百里銀印且西河  
會報薰風作還知甘雨多  
軍興今最急民事更如何  
安堵勞廉范須聞五袴歌

二

茂宰銜恩命清秋出建章  
諭蒙應有策治劇亦多方  
功好同忠烈名何讓武襄  
他年論治行不獨說河陽

送王來仲歸濟陰

方期長把臂信宿又言歸  
鄉夢秋逾切塵踪願屢違  
征鞍鴻雁早驛舍友朋稀  
古好歸登在閒園好息機



送李生

此日初相見聞君已半生  
風塵知遇貴貧賤別離輕  
碣石今何在龍泉夜欲鳴  
平原知有託金鎖亦關情

曹正子招同人分韻

薊北風沙惡招携得此亭  
寒威無計入酒氣幾曾醒  
人共圖書靜樽分薜荔  
青龍門司馬第結覽巖巖肩

次韻送無聲由天津還彰德

入雜探朋好還聞白雪歌  
衝寒投渤海逼歲渡洹河  
累日從揮塵何年更止戈  
風塵增感慨只合伴藤蘿

寄敏庵先生

廬舍經年出空憐歸計遲  
典裘常獨在賣賦竟何爲  
夜月山陰道春潮江水湄  
孤懷惆悵絕那得慰追隨

哭吳方漣先生四章

鬱林初定日治行羨吳公  
單騎荆榛裏孤城矢石中  
堪教群盜泣肯與腐儒同  
遺澤潯江永謳歌徧牧童

二

邑長與民親烹鮮貴擇人  
昌言期濟世備列耻謀身  
五夜元無媿十年常苦辛  
時還開酒椀四壁不知貧



披陳終見用引退不求伸但使能籌國何妨作逐臣  
真誠留折檻感激尙垂紳如此甘岑寂而今復幾人  
四  
腳疾尋常作人琴忽爾亡徒添牽紉泪安得返魂香  
哀毀賢諸子悲凉到故鄉夜臺傷永別慟倒在君旁

客夜

京塵衣帶滿僧舍久淹留殘漏妨歸夢寒鐘起客愁  
點金無枕秘負朱託書郵却憶清江月年年傍御溝

朱生以布簾見贈詩答之

無事文犀綴偏宜白板扉卷全銜雪霽垂足謝風威  
麟士書何補王融句尙非近今艱物力投贈漸多稀

丁巳除夕

頻年爲客費何堪斗又同臘從今夜盡人自一秋來  
櫪馬間關老椒盤歲月催江城花信早留得及春開

二

自分身名晚誰憐蹭蹬多賣文慙水部貸粟憶監河  
頌禱難如願癡騃亦任他塵埃拘束少洗杓且高歌



盡出奚囊稿呼童把酒前生涯唯此爾客况竟蕭然  
嬾拙難諧俗榮枯莫問天漫愁身外物脉望亦神仙  
寄外舅

當年茗水上行部雨隨車雲集三千客春深十萬家  
湖山開郡閣水雪浣詞華襍被歸來後蕭然興轉賒

襟期瀟酒甚人似我公稀謝政空琴崔浮家寄釣磯  
隋堤應有待角里且相依明月鄉關好蘭橈尚早歸

三  
片帆風雪裏一別輒三年看奕非無意收綸亦偶然  
關河牽夢寐雲樹隔幽燕幾度過邗水懷人悵各天

四  
鄧尉梅初放東風釀早春尊罍三若酒花月五湖人  
金粟前身是丹書此日新漫耽絲竹趣旦晚望垂紳

贈何梅莊太守

梨嶺由來險無端虎豹蹲一身輕賊壘百口畧私恩  
到此纓須請誰憐席未溫碁枰堪破敵衛霍漫同論



露冕山陰道潢池尙弄兵春風蕪善顛時雨起諸生  
禹穴山增翠錢江水自清祇今思郭伋竹馬更郊迎  
叔度知名久相逢亦既遲賓歸聞置驛墨妙羨臨池  
逸典傳蕉葉新詞豔竹枝憐才仍有癖汲引不求知  
送宋牧仲比部奉使贛江  
征途霜雪猛莫漫動驪歌財賦今方急當如估客何  
七閩春信早五嶺暮雲多登眺饒幽興真堪載酒過

二

去權經湓浦何時達豫章行邊千嶂出到日百花香  
宦舍增詩卷江城足酒漿翠微高士在應復著書忙  
未句並懷  
魏叔子

送張千子之淮陰

君才標禁籞聖帝命出巖廊鼓角閒淮甸旌旗壯楚  
鄉一方尊節鉞萬里靖帆檣輓粟鄴侯業麟臺接未  
央  
長風送何子受民部奉使鳩茲千里軫勞勩六



丹鳳銜新詔揚旌羨此行雲牽千里棹夜泊六朝城  
山色東南遠江流日夜鳴識舟亭子北遙望不勝情  
一送鄭水部奉命嶺南  
廿載隨閫闔星輶發遠方嶺梅春較早江月晚多黃  
仗節銜新命鳴騶過故鄉王程誇陸賈無復悵河梁  
送吳天章歸中條次阮亭先生韻

徵辟曾非偶依然失馬卿遭逢違盛世造物忌高名  
定遠應投筆淳于每絕纓一時同折翼欲別不勝情

二

愁切驪歌動輕辭碣石宮河梁從此別風月幾時同  
好盼流螢焰爭投敗葦叢山中饒逸興莫漫更書空

三

自知非左史何敢漫爲官鹿夢嗟無據鷗盟喜未寒  
祇今誰買賦此去願加餐著作傳三詔真堪傲五難

四

蒲津元樂土村舍况清幽地迴禽魚近雲低卉木稠  
卷簾來萃岳支榻枕河流無恙青瑣在悠然謝外求

五



吾師常叫絕憐汝勝憐予腕下無疑礙帷中有異書  
何妨成落落還自證如如未得從君去風塵嘆索居  
六  
此部真知己推賢古道存何當來輦下忽忽去金門  
故國容依戀殘書更討論孟明才自大應不負公孫  
送蘿村之長沙

薊門同作客落落且晨星氣足吞雲夢書回自洞庭  
荒祠懷賈傅妙句奪湘靈十五年來友天涯眼倍青

書生羞牖下策馬向間關幕府旌旗壯嚴城鼓角聞  
江干笙竹驛湖上酒香山諭蜀男兒事母爲游子顏

送吳楞香南歸

吾儕生盛世偏只困泥塗濩落才多拙淹留計更迂  
那須嗟伏櫪從此學吹竽良友今安往相思天一隅  
巳未午日  
無端逢令序偏是滯他鄉嬾把靈符佩愁同綵縷長  
囊空歸未遂親老遙相望顧影羞看鏡蹉跎動十霜

送何次菴之在毘陵



客舍能瀟灑多君興自豪惠連慚四友子哲頌三高  
才望非司戶詩名屬水曹旗亭樽酒別不耐晚蟬號  
秋到江南勝山連京口多烟波通禹穴簫鼓發吳歌  
風土疑無異登臨樂若何倘容分斗粟緩急倚監河  
再會春日掌詹沈公大集寓內同人各有所詩得五  
律二章

春光方爛熳高宴主情深賓客空南朔風流照古今  
劇談忘勢分痛飲滌塵襟誰謂永嘉後還聞正始音  
欲別停鞭轡良辰幸不虛燕泥香歷亂夕照影蕭疎  
坐固多奇士人皆挾異書文星疑夜動太史竟何如  
趙考功遷典選

事較諸曹重銓衡賴正人群材歸賞拔百辟待陶甄  
廉節移風尚高名邁等倫向來知貢禹肯使久沉淪  
送二弟歸里

我亦牽歸思翻輸向故岑離人愁夜雨行色值秋深  
經樹迎雙槩滄江繫寸心豈無燕市酒寒月悵孤斟



重九獨酌

不爲重陽日孤懷託把杯早驚楓葉冷又報菊花開  
自雁三更月黃金千古臺誰憐司馬困還自倒尊罍  
送項樹百之任遼東廣寧

但充藜藿食何必崑崙萍關塞臨山海星分跨冀青  
會看過寵突且共醉仙醺似我仍濡滯無端困越胎

移寓

徘徊惟去住展轉傍東華旅舍徒存壁殘書尙滿車  
恨無花買笑剩有酒能賒歲逼添惆悵誰堪更憶家

得吳氏妹凶問

嗟汝年方壯何爲卽九泉父書無月日我夢隔江天  
追悔生長別翻疑死未然祇今歸已晚痛哭向新阡

送汪發若任淄川

君才非百里風度自從容仁惠推劉寵詩書屬李邕  
岱宗饒雨氣夾谷敞花封歲儉民生急殷勤勸力農  
已未除夜程祿侯招同楊維岳賀豐玉守歲

歲序分今夕鄉心倍昔年吳音能入聽楚客總忘眠  
春信天涯蚤風塵造物偏癡獸唯我甚相對仗君賢



除夜寓次再用前韻  
身賤因多暇雄心憶少年爲兒常不寐此夜竟孤眠  
生愛燈花好微嫌玉漏偏天街猶未曙征逐避時賢  
舍宗元夜袁楚白齋中

今夕逢嘉會判將美酒斟管絃音節細燈火技能深  
謔浪人忘醉高閒樂不禁此番春較早未許夜寒侵  
夢中得四豪韻覺後足之

百折游應倦中宵夢尙豪願猶存杞菊興久託蒲萄  
浪迹留燕市何心廣楚騷日高猶擁被天地縱吾曹

對燈

感汝多情甚相從旅舍中影分芳草綠色奪百花紅  
獨對春無賴高吟日有功何如看刺繡纖月下簾櫳  
一將赴益陽荅別都門師友

賤子艱虞盡堪爲司戶憐雲霄雙翮倦鄉縣一心懸  
我豈鳶肩相情緣雞肋牽士龍難自問京雒滯年年

吾身憑造物所向總乖違承 詔恩難副將車計蚤

非才疎時易迂癡在遇應稀就道心私喜征鞍得暫



歸

三

風塵驅薄宦一騎出春明慰藉思今夕殷勤趣此行

離憂秋較切驛舍暑差輕梁月能相憶長沙有賈生

夜泊吉陽

一舟依古戍江岸葉初丹夜靜魚猶跳秋深月不寒

已教鄉井遠敢惜道途難祇恐牽親夢離愁未易寬

柘磯候風

自昔勞行役翻教怯道途沙頭回塞鴈江面亂檣烏

曉覺風威峭寒疑酒力無妻孥知識少嬉笑對菰蘆

賦得江流大自在

江流大自在杜老豈吾欺木落山高處潮平風正時

不聞雙槳曳錯道片帆遲百里爭俄頃潯陽已在茲

顧瞿父招諸子讌遊峕余未與

出郭饒幽趣胡爲舍我游衝寒移酒榼趁雨到蘋洲

劇興遲青雀高吟狎白鷗佳辰三五葦應不愧名流

二

何日還攜手從容溯碧流花喧撩蛺蝶春漲闔鳧鷗



肯盡判三雅差堪傲十洲主人能好事莫便倦良遊  
庚申除夕

羸軀傭負弩竹屋板爲門城郭何年廢邨墟幾戶存  
依然違白髮聊復弄青尊天未逢除夕椒盤總國  
恩

西南兵未罷山縣備艱難懸罄嗟千室支吾累一官  
署荒親串在性懶雀琴安漏盡還燒燭應忘雪霰寒

桃花江道上

非關城市遠不易到村前雜樹青無賴晴巒翠可憐  
筍輿驚怪鳥石碓亂鳴泉始識資江上春深別有天  
借宿田家雨後作

居然村舍穩雨過足徜徉田角秧鍼綠檐頭蝶粉黃  
殘雲平遠岸新漲上危梁林麓聲偏好春禽噪夕陽  
長沙江上

名郡雄南服今茲竟若何炊烟平野少戰壘近郊多  
岳麓銜斜照湘江散晚波楚騷無酒讀倚櫂但高歌

泊八字哨



維舟依古戍起問夜如何簫鼓年來杳菰蘆到處多  
雲晴開斷浦鷗狎逐回波最愛江天濶還聞欵乃歌  
渡青草湖用杜韻

杜老徒信宿重湖遂得名驛樓銷客鬢風纜戒王程  
磊石雲中落巴陵天外明鈎簾還坐嘯敢更悵孤征  
垂綸

幾經戎馬後猶剩此沙村匝岸都成市維舟半在門  
秋山真不厭烟水自無痕試看疎林外垂綸意倍尊  
野泊遇陶五徽示慰

家始咸和歲長沙舊得名吾徒憐屈宋真宰困湘衡  
月小光猶斂江寒影倍清霜蹄今暫蹶莫漫問君平  
九日同顧瞿父金子萬陶五徽野坐用少陵九

日登梓州城韻

挂帆逢九日昏晝傍漁翁客思天涯遠秋光故國同  
行歌荒寺外醉舞大江中健筆諸君在登臨興不窮  
岳陽樓次杜韻

癸卯春得七言一章同泛洞庭長歌一時作也  
今辛酉九月自武昌歸益陽經此指屈問片



過巴陵并記自辰昌臨益州  
勝狀何多得滄洲見此樓江湖天地濶身世古今浮  
塞雁號荒渚神鷗戀客舟少陵休感慨造物忌名流  
青艸湖別金子萬顧瞿父

但存吾道拙一任笑文翁興味江山助艱虞驛路同  
重湖千里外二妙片帆中背看檣鳥去河梁意不窮

江辰六文集

貴陽 江闔辰六氏著

兄 江源逢其氏

弟 江澄梁雪氏

江湘文江氏同校

卷十一目次

詩

七言律詩一百八十九首



七言律詩

卷十一目次

五言六文樂

七言律詩  
重九前三日客于武昌同白孟新諸君集飲黃

鶴樓限韻

高樓九月動微涼黃鵠空餘雁一行江漢落霞元不  
斷孫劉故壘已全荒當聽萬里來秋色夾岫雙城映  
夕陽漫對烟波添別思坐來賓主盡他鄉  
臺榭橫空出上游驚濤拍岸石為浮舟爭古渡紛如  
織樹逼重陽艷欲流不道蜘蛛猶有井堪憐鸚鵡竟  
無洲陶然共醉王弘酒况復江山更可留



喜無風雨亂秋旻菊氣渾沾白氍毹  
啖棗祇今傳小吏落梅何處覓  
仙人登臨疑犯機邊石俯仰都忘客  
裏身總爲庾公能好事龍山移却在江濱  
樓影遙侵上下天萬家烟火接晴川  
霜寒蟠冢秋江窄雲盡衡廬晚翠鮮  
香草汀邊埋舊恨野花墻外帶餘妍  
十年重入仙山路拋却茱萸抱雀眠

岳陽樓

百尺樓荒仙子去孤城闕歷幾何年  
雁辭衡浦聲含怨帆出長沙影乍懸  
春借山留青未了雲牽水濶自無邊  
江關涉盡家千里惆悵他鄉又暮天

飛雲巖

看山到此憺忘歸倒壁橫空結翠微  
應似雲流還疾捲却愁雨驟輒驚飛  
听噴石乳珠成幄洞走松花錦作屏  
復有清泉當坐落一行銀漢挂朝暉

詠秋楫次阮亭先生之一

秋老霜寒祇自憐疎枝空鎖灞陵烟  
蕭郎惜別愁如織小婦懷春思若綿  
紫陌聽鶯悲往事長堤走馬動經年  
欲知寂寞傷心處舞榭歌樓夕照邊



和李緘庵草堂吟次韻

月伴清幽到草廬梅花影散一簾疎篔中半是裁雲  
句几上偏留種樹書但使堂成容杜甫肯教賦就讓  
相如多君朝市能耽隱忘却身懸刺史魚

陪飲櫟園芝麓轅文三先生

西山雲盡晚來晴地勝長宜載酒鐺管葛一時名并  
重陰何十稔賦無成花從風暖銜香足竹爲人閒布  
影清况有玉簫聽未倦隔簾幾度弄新聲

別羅弘載

歲暮何堪又別離碧瀾堂下漫淒其當推兩晉無多  
士肯作三唐以後詩震澤南來春燕蚤大江北去凍  
雲遲開樽獨對山陰雪可念長安一舊知

別茆楚畹

遠道艱難惜獨行荒雲疎雨足離情姑蘓城下懸帆  
影揚子江頭落雁聲兩地故人千里隔他鄉夜月五  
更明須知牕外梅開日正好看華到帝京

憶家

茂陵病起南遊倦每擬還家幾又遲未老雙親鍾愛



日却勞兄弟望歸時向人愁緒書難寄入夜鄉心夢  
蚤知歲暮復爲京雜客秋風好與故園期

漢陽易先生書來長安兼寄至張憲長萬學師  
故鄉來書志喜

浪游自笑居無定南北誰知雁不疎孤客一時三度  
喜經年萬里數行書薊門雨露多新澤越地鶯花似  
故廬尺素教人頻展閱天涯年起病相如

士肯重泊雲陽有感

七里橋邊一葦輕十年兩度泊江城曾當患難悲歡

盡更憶存亡感慨生酒落愁腸渾不醉雁憐孤客故  
無聲征途終歲依僮僕不是重游亦繫情

曉發

嶠崎世路且何之四野雲連日上遲未滿月如初缺  
後將明天似欲昏時蒼涼止聽鷓鴣爭噪奔逸空憐驥  
自知只爲勞人多感慨征途亦竟嬾題詩

登泰山

五嶽尋游屢後期東來初試振衣時每當幽處泉先  
占但到危厓石更奇四野雲平連海濶半山雷吼出



松遲徘徊獨笑秦皇拙封禪空留無字碑

宿泰山頂

茅屋蓬門夜不驚山巔風景晚逾清雲留斷處容邨  
火雨欲來時作樹聲偶宿仙家諸妄息暫離俗累一  
身輕可知與醒迷途夢最是晨鐘到枕鳴

吳山絕頂

孤峯翠嶺倚空天吳越青山抱岸懸海色更隨江月  
遠湖光直與嶺雲連亭臺半落秋城外烟樹平分曉  
雨邊轉望離宮禾黍遍應憐花木自年年

悼內人昭陽許氏早亡

鏡掩香銷人已去生生死死却還疑醉中猶認敲礎  
夜夢裏渾如勸讀時有意寒蛩悲冷砌無情明月照  
空帷低徊倍覺風蕭颯待着牛衣泣對誰

料得思時難再遣那禁遺事耐人思幾番落鬼機仍  
下卒歲甘貧日自持慟子頻傾中夜泪相夫未遂此  
心知從前細數腸堪斷始信當年奉倩悲

登春登道場山

春城山外繫游船坐眺渾如在朝川雲氣澹涵千嶂



雪晴嵐散作五湖烟泉邊松籟聽無盡石上花枝看  
欲然老衲漫勞分片席狂生蚤證醉中禪

公暇土已集愛山臺分韻  
草聖書潘狎酒徒西池清興未全孤四山烟雨濃三  
月一代人文集五湖共道醜醜輸上若漸看櫻筍出  
中厨浣花園裏尋常醉逸少當年似此無

齊夢同梅村方漣兩先生暨仲調旣庭原一諸公瞻  
慈旌拜孫太初墓分得兵字  
十字碑殘草已平高風還自拂菰城只今未辨何家

世當日元疑變姓名溪上攀松惟劇飲山中消日偶  
談兵教人却憶天台賦更闢瓢堂弔子荆

登程石門賁奏南旋請假歸葬有贈  
西南烽火廿年餘才子分符稅駕初六詔風流歸賈  
島五華文教遇相如從戎露布驚當代拜闕緋衣謁  
故廬最是政成盤錯地多君不數論蒙書

何當雷煥未逢時埋沒坭沙漫自疑客裏風塵容易  
惡胸中丘壑不妨竒依劉似我元非願入洛如君定



見知雨雪山城寒正切梅花蚤放嶺南枝

被裨先生且傲居種花疊石近何如廣騷著就巾箱  
富玉海刪成几案疎真隱不妨栖宛雜名山豈只愛  
衡廬可能劉勰還相憶曾向車前願負書

高潔如君近代稀都城盡日掩雙扉花從得候驚春  
蚤雲自無心向闕飛幾度逢人披組繡多番費客  
浣薔薇更教薊北傳佳話舉酒援琴有布衣

中樞風月許平分賓主飄然總不群渤海久應登左

相朗陵卮合老叅軍襟期直領于江雪胸次疑吞五  
嶽雲猿雀漫勞多顧戀北山畱取作移文  
禾黍蒼涼舊白門靈光賴爾却猶存祗今草聖推張  
旭當代詩豪重許渾小院詠諧遲晝漏寒宵笑語挾  
春溫朝來又抱河梁恨馬上思君月一痕

寄書

天涯消息付雙魚踪蹟飄蓬計太疎前歲元宵閨裏  
月三年除夕客中書莫將失路愁游子已認浮家當  
故廬欲寄隴梅難折取片緘臨發重躊躇



商家林上已却憶去年襖飲茗中卽次原韻  
自是西池舊酒徒天涯踪跡月同孤幾回走馬稽康  
里何日停橈范蠡湖聊息牛肩貪假榻漫勞兼味佐  
行厨春來觸處逢佳節肯損香山逸興無

自都南旋時已寒食所歷皆蔓草荒烟了無春  
色行至潘村忽見桃花喜而賦之  
北來春興日多違三月猶然花事稀世外碧山成誤  
入雲邊西塞倍思歸燕憐落去啣將起蝶惜開遲戀  
不飛偏是朱輪空掩映未聞停轍暫相依

迷樓懷古同石葉次阮亭先生韻

大業空傳清夜遊祇今猶剩舊山丘銅駝霧暗應難  
識金馬雲愁不肯流漫向晴郊憐綵樹好凭芳草認  
迷樓牛羊西下橋邊路聞說當年是御溝  
西苑樓臺惜盡荒登臨那得不沾裳故宮一望成離  
黍殘碣千年卧斷岡枌絮何堪春去盡松陰更動晚  
來涼爲知王粲傷心處我亦無端結寸腸

程古狂招同曹秋岳先生暨袁籜庵張登子集

湖船

詩

七言律

湖外集



處士橋邊集勝流垂楊斜繫木蘭舟錦塘雨過日黃  
鳥花港烟深隱白鷗明月有情穿幙入好峰無數向  
杯收鷺巾倒着還燒燭嵇阮何曾計酒籌

同程端伯曹秋岳林鍊崖三先生偕程古在陸  
蓋思陸高仲集胡循公米山堂

西園嘉樹作初晴蘇磴風生白袷輕入坐偉人多韻  
事登堂佳客總知名一池荷葉流香靜半壁松陰帶  
雨清醉倒石牀忘月上晚山排闥更移情

送汪蛟門入都

年少詞臣拜鳳池中涓賜錦未應遲五花制誥尊三  
代百藥風流冠一時榜自多情難更折人當遠別易  
相思甘泉陪祀堪裁賦好寄蓬蒿仲蔚知

趙勒勳招同鄭天修汪叔定夏次功饒白翁朱  
東觀徐辰玉卜金枚卞南英杜肯來李德求雅

集卽事

十年笑傲共滄洲却憶從前汗漫遊吳楚金蘭推謝  
范東南詩酒讓曹劉幾因梁月思千里每對春星賦  
四愁記取江城重把臂晴波正逐亂雲流



揆悶

歸燕詩成獨掩關，孝標乍起舊愁顏。但臨醉地何妨  
醉轉笑閒身，復不閒。春柳春鶯容易老，江雲江樹未  
曾還好。乘此日扁舟去，竹裏谿頭問故山。

康山

層臺百尺足躋攀，窈窕溪藏曲巷間。遠郭烟低千井  
樹，隔江雲接六朝山。春晴好鳥當牕下，日落歸帆對  
客閒。拚取鸚鵡應莫惜，琴樽坐脯不須還。

平小 上巳呂使君招同羅弘載虞彥公遊平山堂分

楚空賦

嫩草芊芊滿徑生，故宮三月未聞鶯。幾行綠樹連東  
楚，萬疊青山出石城。曲岸花深歌舫慢，小橋風定酒  
旗明。封侯平固真瀟灑，郊外流觴宴步兵。

天賦贈沈亦季

織簾高士卧滄洲，榆屑糠粃懶外求。簡傲何妨同晉  
魏，嶽崎祇許共巢由。藥鑪靜對三山雀，書卷香銜十  
乘樓。幾度醉扶猶淡墨，圓成酷似李營丘。

城南野望



深烟澹草隱南河無數閒鷗掠淺波虎豹蕩邊青  
合鳳皇墩下白雲多過橋市僻無車騎隔岸人歸荷  
笠篔一片斜陽何代寺橫空埵影自嗟峨  
天涯鹿鹿計全非留滯江關客意違每到歲朝長在  
路如何今夕不思歸幾番風雨添愁重盡日烟波得  
句稀野鳥轉知春已近雙雙祇戀故巢飛  
低空四壁斷雲沙萬里江流此一遮寺截山腰關海  
蜃天從地底卷晴霞諸峯隔岸爭潮湧亂堞橫廳壓  
樹斜似爾歸然塵劫外長看風雨戰龍蛇

再上晴川閣

曾從大別繫孤舟名勝應須爲我留諸水半歸江夏  
合亂雲直接洞庭秋亭臺隔岸吹仙笛城郭平欄鎖  
蜃樓愛煞夜寒人盡後許多明月擁磯頭

千年虛閣倚江濱鎮日烟波作四隣無賦可招梁太  
子何心更弔息夫人金黃楊柳都非舊雪白蘆花忽  
斬新每過昔遊多感慨郎官湖上倍酸辛



天門山

天門雙峙鎖吳天，貫酒無心到極巔。  
村落遠隨紅葉斷，帆歸近與白雲懸。  
誰從估客知袁虎，好向秋江弔謫仙。  
絕壁石欄方坐嘯，忽驚寒雁破荒烟。

答張鹿牀元韻

彭蠡歸來已倦遊，河干棲泊學牽舟。  
人逢杜牧憐同調，書報虞卿解著愁。  
晴樹聯舟看帝苑，春城攬轡過仙樓。  
呼童貰酒還乘興，兩岸花明爛不收。

張鹿牀程穆倩朱錫鬯閔賓連過飲限水字

匡山夜雨愛挑燈，肯泛春江過廣陵。  
當世人誰知阮籍千秋古，好有歸登啼鶯繞試花。  
如許點華長酣墨，數升醉倒月中成。  
簡畧爲言醒酒不須水。

送朱錫鬯之湘兼懷倦圃主人

漫將風笛悵離亭，此去輕裝動客星。  
舟過錢塘潮影白，雲開日鑄曉山青。  
鄉音到耳家知近，旅夢懷人酒易醒。  
醉里先生如我問，祇今猶對案頭螢。

鞠侍御以隆安令應召候補贈之

如君丰采世皆知，對詔于今惜已遲。  
謹論未經陳北



闕直聲蚤巳冠南司漫將宰相期楊秉自許臺官有  
望之縱是聖朝無缺事也應鐵面立軒墀

送內弟靈本之京

江上秋聲客早知當窓暮雨更絲絲重逢非爲吟詩  
瘦惜別何妨買權遲月冷驂騮猶遠道風高鷓鴣正  
逢時金門朋好如相問爲報狂生頗不羈

重過吳船志感

碧草當窓映碧紗小齋如画迭爲家葡萄舊日還無  
實棗樹今回且見花風景依稀逢地臘鄉關悵望隔

天涯三年去住須臾裏那禁游人歎歲華

鞠侍御於七夕前兩日初度時方以機務入告

天生申甫相西周柏府朝看紫氣浮青鳥先須來兩  
日皂囊那得不千秋憂深軍國寒邊塞筆挾風霜動  
冕旒似此盛年兼物望好將經濟潤皇猷

泰山謁嶽廟

嵯峨泰嶽帶朝暎五色雲深繞殿門山接嵩恒名獨  
貴地涵河海勢長尊玉階歷代碑難讀輦道千年樹  
尙存父老不須爭望幸春來雨露總君恩



和張元公

天涯不厭酒杯深耳熱酣歌見素心世道只今多白眼  
臺名猶自說黃金入觀武庫無遺恨側聽雲門絕賞音  
漫把升沉增太息好憑匹馬續招尋

簡蔡崑陽

學識今推蔡子尼承恩常近鳳皇池狀頭師弟真衣鉢  
相國弓裘在鼎彝仙掖校書分直蚤御堦草制退朝遲  
何年得附清華地立向蘭臺話舊時

汪水部樊桐以近詩見示有作

入宮啓事曉含香朝罷高吟興會長媿我庸愚頻下第  
如公才望久爲郎夢回鄉井同千里閱遍京塵已十霜  
當是能詩名最忌杜家工部一空囊

寄吳大身前輩

小小征鞍力欲枯何如絲竹足歡娛當年栗里曾非晉  
此日商山本姓吳先輩風流天下少故園洞壑世間無  
昨歸咫尺還相左一片離憂滿綠蕪

友人送程周量之任桂林

寵辱如君絕不驚一麾出守越清貧中樞風月誰爲



續故國山川此結鄰地接柳州多韻事天畱桂嶺待  
文人春來露冕行江上珍重分符萬里身

慧性由來羨綠衣金籠一入與心違畫樓綉戶曾容  
託隴雪秦雲未得歸羈絆故招當世玩語言終恐解  
人稀何如悄寂江頭雀渺渺晴空任擇飛

朱質庵侍御以索近刻過訪

雨過蓬門長綠苔乍聞童子報君來廣騷偶爲驅愁  
著水調何煩浣露開汲黯直聲宜豸繡朱雲壯氣逼

烏臺躬逢盛世民猶困入奏先須念草萊

既却王大司馬祖園之約走謝

公門累世擁高車珥筆蟬聯典直廬歸院承歡賢柱  
國隔屏獨坐領尙書風流久識多瀟洒亭榭今教爲  
掃除料得習家池上客惟吾踪跡太麓疎  
黑頭師相本家風經濟如君復不同曾董冬官釐庶  
績更凭憲府見孤忠兒童走卒知司馬狀類年華問  
晉公下士未嫻軍國事無何也入藥籠中

送何別駕之皖城次韻



京門楊柳正蕭疎官閣何郎典郡初城郭秋高橫野  
雀沙汀月白聽江魚早知雅望能回俗定得餘閒好  
著書咫尺名山撐碧落邨農指點是匡廬

病馬

渥注偃卧影蕭蕭被却秋風力較銷瘦盡許誰分骨  
相勞多只自惜手標但聞獵鼓心猶喜肯見征旗氣  
不驕此日倘教逢伯樂長驅萬里敢辭遙

上嚴中丞

掖垣封駁見非疎更領蘭臺謁玉除共道無私堪獨

立曾聞不屈欲牽裾朝廷大政須公等天下忠言入  
諫書雋亮一時稱抗直早爲霖雨意何如

送越山公表叔歸里

鶉火方中三伏日躊躇無計止南轅雕龍未遇誰爲  
辨市駿空歸不忍言楚澤風高催早雁黔陽道遠畏  
啼猿離憂一片長安月直送征鞭到故園

別王北山黃門

十年威望在華班夜直長吟霄漢間諫草但能無顧  
忌勅書何必不封還殿廷言事沽名易臣子逢君報



稱艱不解征途秋未到已經蕭瑟滿江關

十平別彭爰琴

彭郎詞賦重鷄林十載依然見素心  
身近穎川樓百尺胸羅岱嶽壁千尋  
莫辭剪燭消煩慮休教焚香作苦吟  
宣武門前明日別歸途最怕是秋砧  
且喜輕帆返故林無端又促別離心  
淮陰臺廢應難問太白樓高尙可尋  
安得登臨同把臂誰從旅次解孤吟  
德星聚處勞相憶分付江干罷暮砧

立曾別鞠侍御

天門奏賦罷長楊  
絙女誰爲辨苦良  
感爾殷勤同魏倩  
顧予落拓類賓王  
可堪旅食添多病  
兼近秋來憶故鄉  
總爲深情難遽別  
瀕行未忍俶歸裝

別涂子山

年來詩力愈高渾不道重逢在薊門  
入世始知文字賤還山不失布衣尊  
風塵念爾身猶健傲慢從人舌尙存  
我去且看江上月草亭花影足銷魂

別紀葉子依元韻

宿霧逢君若爲披幾年重晤惜分馳  
歸心已逐三江



水別夢長縈千頃陂却笑相如空賣賦爭誇子野有  
新詞敞廬西接桃花塢恰近先生洗墨池

別王成博依元韻

研露閒將子史披笑他南北苦驅馳不堪頻涉桑乾  
水何處還經督亢陂潦倒却慚當勁旅英雄莫更飾  
卑詞鄭公爲道深相憶猶記追陪過習池

別法黃石方伯

膠東經術冠諸儒曾列華班壯廟謨翰墨蕭疎同逸  
少丹青生動等倪迂甘爲廉吏家都廢不改初心世

絕無燕市何堪風雨別幾番倚馬重踟躕

別李廷尉

轉輸碩畫存華省頓直雄風在相臺名伯深恩流汝  
漢謝公遺澤徧江淮民生最重還須借國法雖嚴願  
少開戾尺河梁添別思拚將竟夜倒金罍

別吳門許先生

竹西話別幾何時冀北重逢歲再移當日及門多散  
漫稊今問字有餘悲仁風披拂堪忘暑妙墨淋漓足  
可思不爲無成歸去急長安猶得日追隨



別錫山顧先生  
重逢相戒話從前  
指數星霜已十遷  
撫字心枯勞卓  
魯功名計拙困  
幽燕離憂不爲南  
鴻斷別夢長同夜  
雨懸纔近河汾欣  
有託秋風無奈促  
歸鞭

紀夢

碧峯稠疊護幽居  
百尺樓藏十乘書  
靜看白猿閒拾  
蝨會逢紫獺慢窺  
魚蘭開曲迳花陰  
細松挂當門月  
影疎何事石牀驚  
蝶夢風吹山菓落  
階除

濟上謁仲廟

石門村落傳遺像  
濟上兒童識令名  
學道自應先氣  
節遭時終未遂  
生平偶憑談笑三  
都墮誰復從容一  
死輕鬚髮宛然森  
劍佩遠將秋色帶  
雲橫

送熊渭公之姑孰

數番同上治安書  
每約看花事屢虛  
滿眼風塵愁趙魏  
一帆秋雨下青徐  
相逢都爲劉蕡惜  
未遇非關季子疎  
此去登臨先采石  
江天空濶月何如

題友人山居

一龕閑鎖白雲邊  
地僻無人只晝眠  
石徑蘚痕從漸



厚竹籬藤綻不須編長松弄影搖山鼠斷壁空香落  
礪泉偶過前溪看雀去隣家許借採菱船

每到春晴愛獨遊高吟隨意卽滄洲魚磯觸處花隨  
釣藥圃歸來月滿樓客狎靈禽渾莫避門迎怪石亦  
何幽少君能共烟霞趣除却焚香不解愁

棲雲寺再和阮亭先生

小溪擔酒過村烟入寺初烹第五泉帆影去來搖粉  
堞山光稠疊控青天繁花和露填谿礪野鳥銜魚掠  
水田把盞莫論興廢事何當惠遠共譚禪

草堂

草堂新賃足東風歷亂春光卷幔中老樹著苔枝盡  
碧繁花過雨葢禁紅流鶯獨立窺書帙語燕雙飛傍  
酒筒身世自知容養拙乾坤莫更計飄蓬

與朱聿修話舊

萍踪分得走天涯隨處青山寄歲華定遠半生虛有  
志馬周今日尙無家塵埃堪惜年俱長困頓從教願  
莫賒何似繡鴛亭畔坐夜深燈火對梅花

同家兄弟坐話



久客初歸歲已闌，星霜荏苒半征鞍。經年曾得幾時聚，處困非唯今日難。方學三緘消口過，也因百折壯心寒。家庭賴有天倫樂，祇此承歡卽盡歡。

別石葉靈本

去年猶記送君還，兩度離筵轉盼間。好鳥選山過顧渚，錦鱗衝浪出蕪灣。故知歲裏無多日，却笑生平總未閒。莫道京門非遠別，征途已近密雲關。

江渚滙夜泛

竟日看花亦勝游，一溪清影盪歸舟。樓臺都與烟波添幽樽，前饒有滄洲。趣欲待在生靜裏收。

游白雀寺限首句兼次弘載韻

出郭輕舟十里餘，亂峰深處到僧居。松杉影落滄洲壁，薜荔花肥曲磻魚。曳屐攜樽兼嘯咏，歸帆剔燭弄琴書。朝來重訂游山約，更向幽溪採洛如。

吳興山中存洛如花

出張寶就印錄

立秋前一夕

晚步林塘一雀隨，夏雲歷亂雁猶遲。千聲樹裏秋來



信萬影樓前月上時明日愁添鄉國夢多情惟令歲  
華知誰憐宋玉心先碎不爲梧桐動所思

君上移家北還內第石葉靈本送至東門外卽  
席別之

携家幾度走關河剩得蕭然且奈何親老自悲歸去  
晚貧深空恨別離多城頭落照平疎樹溪上昏烟動  
淺波把袂不堪惆悵絕聊須停櫂引仙螺

送吳郡丞之威州

紫微仗節赴昆明鹿轂熊轡羨此行洱海雲收消瘴

雨滇池月落見山城枕椰淺試殊方味鸚鵡深知遠  
吏情漢代名臣多越雋自今不說武侯營

別維斗

十年兄弟隔江城誤被風塵老半生咲我天涯空泛  
宅輸君門下盡知名著書已足傳楊子作賦還誰薦  
馬卿一夜燈前千里別溪雲冉冉不勝情

洪光寺次韻

幽蹊百折勢回翔雲鎖諸天俯十方暑慣不來僧較  
逸人貪暫息晝疑長禽虫地僻無凡響草木年深動



異香却羨風流王大令尙留詩句在東廊

天壇祝釐閣次韻

傑閣朝登宇宙寬天雞五色振飛翰遙連北海滄波  
濶平挹西山白晝寒城闕參差通帝座樓臺輝映擁  
郊壇我來天半雲猶濕新綠紛披思渺漫  
憑闌四望盡雲霞隔斷都亭十萬家車馬喧闐看劇  
市鼓鐘沉寂瑣平沙游人信步扶殘醉仙苑何知放  
晚衙髣髴天台休更錯祇今劉阮在金華

飲寄暢園步韻

出郭招携謝屐輕到來心迹自雙清  
鳥駝入戶盤空下樹解窺池磬折生  
漸近烟鬟須有態半鋪蓮粉故  
多情名園爲許停游騎不厭煩苛載酒行

晚過中頂池上次韻

斜陽弄影入虛亭過雨沙痕上雀汙垂柳含烟堤欲  
日晚荷着水葉偏青何妨並轡馳空濶亦見孤飛極  
宵冥笑道不因歸路晚酒帘動處更須停

贈陳大中丞

晉公夙望在蒼生嶽立乾坤繫重輕  
經術昔魯懸萬



國甄陶不愧掌諸卿負書帟布邀矜許預讌簪裾倍  
寵榮最是立朝難及處廿年隱德過時名

俊偉容儀堪獨坐恢宏器量總無私驂騶遇主因投  
足鷹隼逢秋正及時風采大臣占表率紀綱重地見  
書思生平深託翹材館解紵車前負所知

題西山董仲子烈婦

玉樓人去含悲切瑤瑟塵封灑泪多但得捐身從地  
下那須勢面示無他蚌珠有恨終難贖燕縷重來未  
忍過羸却西山垂不朽鬚眉愧悔更如何

題雲起樓

月明占斷萬家秋第二泉邊第一樓城市低隨疎樹  
遠谿山常共澹雲留每當雨過村都綠不是花時地  
亦幽兵甲未消徧整暇鄉農喜見使君遊

送客之晉州

蕭蕭匹馬未曾閒千里風塵六月間國士橋邊浮白  
墮司空谷口對青山登臨易覺傷人意羈旅休教損  
客顏但到西河須問術祇今猗頓動江關

答徐松之



十年名下定無虛人道山中見洛如久識松陵傳外  
史忽從林屋到奇書閉門不厭歸鳥有辟徑須還賦  
遂初獨是稽康真嬾絕山公莫漫笑麤疎

九日集舟次村居

邊方羽檄且停催令節尊前肯浪回鳥帽笑從田舍  
落黃花愁向戰場開鳥隨帆影過窗下月帶秋陰出  
水隈却遇故人能醉客何須剝啄自衣來

秋霽後同舟次野望憩華嚴蘭若晚歸

何處瓦棺探妙諦但携犀麈問清秋老僧對客閒又

手頑僕從奄不裹頭水潦十年纔得歲烽烟咫尺那  
禁愁河干歸路長宜晚妬殺漁郎月滿舟

觀田家收穫

澤國頻年歎草萊蛟龍出沒怒初回日中負耒三時  
苦月下操舟百穀來露積那須多屋宇晚炊頗不乏  
尊壘遙憐邊郡生荆杞安得鋤犂爲盡開

觀農夫打場

處處椎場掌樣平嘉禾載得一舟橫耕牛到此渾無  
暇播穀于今始有成轉石捷如操步伐揮鞭低按度



歌聲老農笑把豚蹄祝莫遣隣村識姓名

金太守招集分賦

重逢何遜到揚州灑掃庭除接勝流雲盡天空宜薄  
暮月明氣爽正高秋堂簾易遠容長揖車轄忘歸不  
待投絃管細依蓮漏永沉酣寧羨醉鄉侯

再限七虞

傍樹依巖追往蹟平山重拓舊規模畫船載酒停郊  
外清磬穿林到坐隅秋雁忽高飛極浦江雲未落做  
平蕪已拚鎮日如泥醉更說堂成折簡呼

次趙銅仁韻之二

荊州南去瘴雲昏百部溪蠻拜縣門岑嶂山高開野  
市烏羅江濶繞花村良朋徼外悲游子廉吏盤中缺  
夕飡遙憶神仙勾漏令丹砂異代豈同論

諭蒙詮就冠群倫續勒銅崖二水濱且喜故鄉依保  
障敢將泛宅累清貧秋風隔歲音書斷夜雨當年笑  
語親最是西園游宴地欄前花甲已偷新

題外舅獨往亭

百花洲畔草堂成白晉青山發遠情風月肯教翰後



進醉吟還自屬先生人間多險知游倦此地當居喜  
累輕漫把龜龍深感慨更移竹木護檐楹

霜寒木落胥江曉手握靈珠到處家許可幾人逢顧  
况相遭何代無王涯五湖寄傲詩篇細三徑長開樂  
事餘吳下近添高士在每懷司戶一興嗟

索垢道人畫

屈玉垂金傳印史浮嵐暖翠出庭隅書能法古應無  
比學不徇人只自娛版築年深辭帝夢尊醪日醉倩  
兒扶好將百尺鵝溪絹細寫烟波寄釣徒

飲朱天質書舍

同學少年君獨少家無壁障亦何傷人情不復如當  
日酒味猶能似故鄉最易蹉跎唯歲月絕無依據是  
驪黃聊將伸屈憑知己肯使生平困賣漿

甲寅至日

去年至日仍無念關塞戎車歛擾攘雪意欲飛驚歲  
暮梅花不見覺村荒禽魚都愛春風早兒女先知晝  
漏長總在天涯誰樂土稻梁賤處卽吾鄉

燈前



百年心事一燈前每憶生平轉自憐壯士須懸蘓子  
印丈夫羞乞尉遲錢凭將書劍償知己悔却間關  
少年骨相縱然非冠玉布衣那得困鳶肩

去年乙卯正朝

荒村聊作百花莊元日能閒索酒嘗僻處往來羞較  
減故鄉風俗漸多忘人逢好約傳生會親健無煩却  
老方但得樓船從此罷吾徒醒醉總何妨

同外舅過虎丘探梅兼訪友不值

載酒擔琴過上方早驚春信到江鄉疎枝遠屋添幽

思碧水侵簾洗澹妝祇此名花清欲絕却教好客味  
都忘故人雀在歸偏晚總把閒愁付夕陽

何雲壑招飲

每聞逸興寄豪吟騷雅居然擅古今几硯不閒官舍  
靜尊彝長設百年心雨過架上琴書潤月到欄前花  
木深廉吏風流誰得似秘圖宛委共蕭森

九日同諸君登平山堂用杜韻三首之一

十年獨步吹簫路九日同尋戲馬臺楊柳未凋迎岍  
去芙蓉無數傍船開誰能醉續崔楊約最喜人逢管



葛來此地祇今稱樂土城頭落照莫相催  
九日再占三晉之一

重九今年風日美好憑層巘當登臺野菊獨先鴻雁  
至郊雲盡洗一天開昔人已往風流歇勝地還經戰  
伐來愁殺江楓秋欲去香醪滿引不須催  
元日泰安道上

昨夜燈前寒臘盡判將椒酒洗風塵青徐曙色先天  
下海岱春光到客身良友歲朝能醉我勞人何地不  
思親名成乞養歸閭里姓字重題汶水濱

李庶常初授

一門百笏列鴈行日角珠庭冠玉堂萬卷讀殘知典  
秘八磚賦就帶花香凌烟姓字題龍虎少室聲華等  
鳳凰好進展箴酌主眷非徒身價在文章

送趙浮山就廣文

滯跡塵埃事屢虛鄭虔此去計非疎風流名士慳高  
第蕭寂衙齋好著書懷道誰知新野卒壯心聊寄太  
行車漫言苜蓿容留戀似爾終當典石渠

送高玉瑄就廣文



宦遊最近故鄉難快意還從立馬看母老且須沾薄  
俸才長肯久作閒官我今已罷劉暉想君去猶然貢  
禹冠漫對狂歌傷老驥征途好放酒杯寬

送李外翰之封丘

鳴珂舊里道相望爭羨軒車入大梁濂洛周程尊几  
席河汾房杜盡官墻莫將晴雨私中夏爲報春風出  
建章別路翻教惆悵絕驪歌一曲繞縹緗

送叔全子之晉陽幕

飄蓬踪跡信乾坤阿大脂車且雁門石室雲封文待

續管泠山寂劍猶存征途避暑應無計旅夜懷人不  
可論保障也須交勉力好同行部問花村

綠色牡丹和宋牧仲

仙姿獨步殿春殘多少鉛華髣髴難螺黛垂垂亭畔  
出雲鬟擾擾畫中看翻堦芍藥妝初換泛水芙蓉影  
自寒拚得季倫珠幾斛還須百寶作雕闌

步障重圍第一流朝雲歌罷漫深愁葡萄蒲瀉玻璃  
瓊楊柳斜籠翡翠樓未入宮庭元嫵媚每經雨露越  
清幽江州司馬應相識語不驚人不欲留



送許敏庵先生之任越州

西陵竹馬隔江來，夾岫山迎畫舫開。  
雲下千巖歸雉堞，湖懸一曲隱樓臺。  
生花筆在堪題句，修禊亭幽試把杯。  
漫對郊園驚戰伐，直看雨露起蒿萊。

王浮梁臨元殉難詩以紀之

慷慨孤忠邁等倫，肯將文弱屈黃巾。  
百年荏苒終歸地，一死從容更幾人。  
堪折異謀同顧衆，尙留生氣伴清臣。  
黃泉仙尉如相值，孝烈橋干好結鄰。

同城死者諸典史士

英

夜集沈允斌度汪齋中

馬駝官誥好人家，玉采當眉足並誇。  
一自封胡馳令譽，頓教任謝歛才華。  
黑頭蚤領瀛洲月，黃閣歸籠上苑花。  
但向青尊同醉倒，不知何處是天涯。

同公度覺先泛舟潞河

十載重過更把杯，扁舟下上動徘徊。  
遠峯高並秋雲起，新漲遙從塞雁來。  
雉堞參差聞鼓角，帆檣稠疊照尊罍。  
何堪累月塵沙裏，懷抱于今頓爲開。

冬夜集李學士署中

湖外集

詩

卷十一 七言律

三十一



宛雒年華屬酒徒西園客至肯辭沽銀箏檀板情何  
極翠幔紅燈興不孤醉裏分曹從擊毬宵深賭墅愛  
圍爐可知十日平原飲爛熳風流似此無

過泰安再值歲除

兩番除夜此停鞭南望江天意惘然官柳還隨春色  
動寒燈故對客心懸馬前礪雪深三尺道上村醪倍  
十千親舍迢迢歸未遂間關跋涉又經年

丁巳元日再入嶽廟望泰山

歲朝重謁配天門萬仞青蒼鎖石根大海波濤翻日

月諸峯雲氣亘乾坤已知地近扶桑暖應許名同闕  
里尊兩雪載塗寒正切東風早欲徧中原

未交別張良哉主政

一宦蕭然住帝城最甘澹泊是先生未能勝飲偏留  
客偶爲看山故出京人愛立名歸謝朓我從好學識  
匡衡天涯怕作悲秋賦羸馬何堪各遠行

蘇敬和永城李閣學紀事

北門西觀席方虛會報深山產洛如異數不勞王儉  
表群僚幾見李邕書金臺艷羨傳宣日玉府驚疑拜



命初更闢崇文招處士一時呂相薦橫渠  
求賢詔告下諸司屈宋都應廢楚詞喜見垂裳歌有  
道好憑珥筆領無爲縹囊各出千秋籙白社休營十  
畝貲還向昆明看草檄直須一紙拔滇池

朝來也拂舊塵冠只此何憂遇合難敢謂宏通如陸  
又却慚章句學丁寬隊隨鴈鷺真非分事任鉛黃頗  
未安衣褐登朝容給札柏梁雲氣到毫端

夔龍濟濟願從游騏驥還憑格外求應矐肯終成獨  
往李翱莫歎用無由藥籠芝桂嗟何補鐵網珊瑚喜

盡收正爲賢臣勞聖眷不教西邸覓封侯

疊前韻

半生歲月總成虛荏苒春光扁橋如疎陋那堪邀翰  
墨恩波特重典圖書操觚竊附雕龍末捧詔剛逢撲  
蝶初最是東風披拂遍何分古巷與荒渠

紛紛薦剡出台司誰解曹娥絕妙詞著作祇今多束  
哲風人莫漫數江爲長門賦就應無價背郭堂成正  
乏貲追憶故園千里外香泥簾幙燕差池

九重綸綍召儒冠製錦何如補袞難末吏風塵疑可



免聖朝雨露向來寬  
曾非鵬鷲期高遠  
倘許鶴鷄託暫安  
稽古不愁千載遇  
漫將書劍歎無端  
浪跡長安亦舊游  
已判雌伏更何求  
身經御李真多幸  
事偶推袁豈自由  
名下才人方並起  
山中佳士且爭收  
孰爲南粵消烽燧  
安必書生不拜侯

和題亦園韻

龍葱烟樹未全分  
春水澄鮮弄晚曛  
小閣浮香牽細浪  
亂峰搖岸送歸雲  
重門花氣渾無盡  
廣陌車聲杳不聞  
鷓鴣亦知風物美  
芳汀偃卧自成群

擬喜雨應制

桑林念切此蒼生  
霖雨剛隨御輦行  
六月千山雲乍合  
一時萬里氣全清  
却疑瀑布飛珠玉  
倘瀉天河洗甲兵  
農父由來忘帝力  
不勞豚酒祝西成  
宸章徧下求民隱  
無限恩波出紫微  
但說深宮猶減膳  
非關靈岳欲披衣  
池邊好罷泥牛法  
江上應傳石燕飛  
已是田間歌大有  
川原草木總芳菲

石橋浦望太湖

曉出湖干興不疎  
蘆邊橘下傍樵漁  
包山雲影開清



霽震澤波光混太虛  
角里猶傳村有碣  
靈威既往洞無書  
最憐霸業偏銷盡  
渺渺何從問闔閭

惆悵風塵蒲客衣  
春來誤信滯京畿  
處貧豈謂翻多故  
善病何堪又未歸  
雨裏鐘聲聽不盡  
雲邊雁影見全稀  
於今還傍滄州去  
一曲山青上釣磯

言懷

江城風雪暗相侵  
攪亂并州賈島心  
不盡煩愁隨夜永  
未曾堪俗累逐年深  
鷗盟翻惜難知己  
雀唳何須覓

賞音豪興較闌吟  
未穩攤書只合強開襟  
燈前何處晚鐘聲  
舊事新愁總繫情  
無術補貧終爲傲  
祇因招忌轉嫌明  
好懷不欲杯中盡  
奇句多從枕上成  
誰解袁安高卧意  
還教啓戶話生平

堪笑歸來仍在客  
門庭隨意且爲家事從  
變後知無定  
念向閒時覺盡差  
借俗每慚疎世法  
逃名私幸少  
才華但能三徑容  
元亮身外於吾何所加  
少陵懷抱幾時開  
萬感爭將物候催  
臘盡霜猶欺凍  
草春遲雪故闔  
江梅塵囂漸喜身能遠  
風雨惟憑志



不灰愁絕清音雲裏雁寒汀何處稻梁來  
送羅暉樞入京謁選陳師此去何煩賦別離南國劉蕢今入  
借君先後到京師此去何煩賦別離南國劉蕢今入  
洛襄州羅友正逢時嬾從彈鋏心元恥貧到無家事  
可爲努力身名支儉歲得邀一命莫多辭

答龍理侯

我旣倦游君且至風塵相遇更天涯疎豪獨許壺爲  
碎傲邁曾無鼓可搗樂事不如河朔飲虛名半誤洛  
陽花好從白雁翔江上競噪荒林在晚鴉

病目日久累誤李太史之約走謝

造物不教容眼日鬼神肯使學看低心傷五色誰爲  
辨淚有千行未敢啼把鏡漸非巖下電揜關休笑甕  
中雞幾當梁月深相憶賭酒曾何惜馬蹄

別張王言侍衛

君客解梁仍好客天涯意氣亦何真無妨觴詠成高  
會須識屠沽有異人學者治生元最急丈夫安往不  
相親勲名且喜諸郎在但整籃輿漉酒巾

哭王北山先生

詩

七言律

湖外集



江辰六文集 卷十一 三十一  
猶記井陘重執手道旁纒繆話風塵百年快聚成俄  
頃十載論交幾故人封事但知崇國體宦游初不計  
家貧山河邈若聊城北梁月婁清倍愴神  
方勸萊陽賢侍御如何公又隔重泉車停北郭今休  
矣路過西州輒惘然蠟屐每携蠻榼酒愛書常購典  
衣錢那堪知已多凋謝遙憶人琴劇可憐

中秋

良宵多半在天涯滿院秋光散碧紗  
臺築黃金能有色盤雕白玉總無瑕  
漫勞北海供尊酒肯遣南樓負

歲華莫惜夜深還擊鉢狂歌不羨泛星槎

九日同俞邵蘿村電發弟夢得黑窰厰登高限

韻

帝城九日一登臺無限軒車雜沓來  
四望河山真浩渺五雲宮闕自崔嵬  
笑從日曬風前落莫負黃花客裏開  
雒下酒人饒逸興漫勞絃管勸金罍

吳春坊署邸賞菊

九霄雨露報方新 聖主深恩重舊臣  
廿載風流推杜牧一時詞賦效吳均  
鑿坡視草曾無暇虎觀談經



久軼倫正值賜萸頒菊後好判琥珀醉比鄰  
送王金樵之任漢陽  
漢陽城下舊曾過露冕南行意若何山澤祇今如錦  
繡亭臺無地不烟波輕裘風度羊侯占破竹功名杜  
父多從此郢中傳白雪那須坐客作驪歌  
贈趙爾合大中丞  
君仁臣直慶遭逢副相新恩出九重蹇諤風裁傳藥  
石恢宏器量比鐘鏞引裾豈肯爲沽激削草曾何計  
取容况值聖人能納諫會看霖雨慰三農

韓相敷陳關社稷謝公經濟繫蒼生朝中碩畫先倉  
庫天下深情厭甲兵而折廷爭應慷慨讜言直氣奏  
升平焚香午夜元無媿嬾孺都能識姓名

曹正子招集團中抱恙未赴依分州開二韻補

之

羨爾書堂事事幽當簷百卉弄春柔娟娟叢竹涼生  
坐冉冉繁花香滿樓醉裏伯倫元放誕人間子建舊  
風流金鞭玉勒遲驕馬河朔深情屬薊州  
登臨忽漫到高臺樹隱重門一徑開遠岫烟雲千里



合上林燕雀九霄迴盤雕瑪瑙霞初斂盃浸玻璃月  
正來病肺少陵招不至何當載酒重徘徊

贈茆楚畹

近喜故人多不賤遲君十載待金華崑庭日麗春裁  
賦蓬閣雲低夜草麻著作久宜居太史科名尤愛是  
探花夷吾未遇雄心在知我還誰似叔牙

袁杜少頻過寓廛走荅

薦剡偶同憑鹿夢高軒數肯款蝸廬已知才識如君  
少却仗風塵許我疎史漢旣成人有憾春秋不作世

無書汗青任重歸吾黨漫學含毫校石渠

哭王天門

祗今才望著金門忽爾云亡不忍論易簣竟無兒在  
側倚閭翻使母招魂獻之往矣琴俱絕季札歸兮劍  
尚存却恨緋衣催太促從教芳草慟王孫

次歲暮韻

比年逆旅卽爲家幾見東風換物華簡傲但傾無事  
酒乖違那得療愁花已判史學輸崔浩却剩騷辭類  
景差苦恨貞元人去後市樓誰辨段琵琶



人日李閣學齋中

人日天涯得主人招携肯負最靈辰  
草堂迢遞牽歸思官閣殷勤作好春  
杯酒不辭通夜飲盤蔬猶帶隔年辛  
西京騷客同高宴茗芋何知萬里身

賦得處處逢正月

正月何堪客裏逢天涯處處寄孤蹤  
蚤判巧拙輸工雀已任朝昏作醉龍  
鄉思幾經勞夢寐窮愁未免累心胷  
田廬但可供餽粥穩卧沙村傍老農

洞庭既渡喜而有作

清秋贏得氣晴和北望江城一葦過  
下雋諸山偏有色洞庭千里竟無波  
好將玉軫臨風坐悔不銀罌載酒多  
幾度興衰成底事漫勞屈賈問如何

辛酉秋闈得掌膳錄所解嘲

月照江城影自疎棘闈闈裏傍傭書  
孤蹤已久憑蕉鹿五色曾還辨魯魚  
豈必琴尊供几案不妨燈火徧堦除  
瓊樓玉宇連霄漢却笑何從薦子虛

陪同官明遠樓晚眺分得十灰

八月寒輕雁蚤回登臨懷抱若為開  
隔江暮靄層層



江風文集 卷十一 四十一  
合排闥秋光得得來風度鳳皇遲  
鼓吹雲平黃鶴隱樓臺  
天南星聚曾非偶况是西京作賦才

重登黃雀樓同張子翼小飲

層樓無念對汀沙漫惜重遊鬢欲華  
二十年來江樹改數千里外客愁賒  
凡夫何處逢仙子勝地偏宜得酒家  
爲問賞音誰更是可堪筵裏落梅花

遊回峰寺次顧瞿父韻

沙村的似吾鄉散步嬉遊過錫王  
晚樹荒烟偏發隼江流雲氣總蒼茫  
銀餅何處賒千日襍被重來又

十霜且向洞庭同載月判將絲竹醉歸航

癸亥閏六月病起

炎方卑濕總非宜一病經旬力莫支  
親切藥爐無計避纏綿蓮漏將人欺  
愁餘傲骨銷難盡怕損雄心落自知  
坐起幾番臨鏡望長卿不似昔年時

見岳樓成得二晉用楊省菴江畔尋花韻

渺渺無從問祝融山川猶見楚雄風  
入春草樹連江涿薄暮雲霞着地紅  
歲月幾堪徒碌碌簿書何事太匆匆  
當窗如画圖難盡七十二峰烟雨中



危樓縹緲立江邊指屈興衰動百年城郭久殘兵燹  
後田廬不似亂離前忍將畚插勞民力肯爲壺觴惜  
捧錢呼取賓朋三五輩異鄉亦自足留連

癸亥冬十一月益陽寧鄉道上水凌十日不解

自映見而有感

洞庭之南久摧殘物候將同邊塞看入此室處氣猶  
烈嗟予行役歲正寒笑更折腰學元亮羞把高卧讓  
袁安層冰峨峨連大陸幾人披絮免妻酸

十諫謁長沙屈賈二公祠祠卽太傅故居

孤城荒雨隱斜陽亂後猶餘舊草堂痛哭祇因憂漢  
室煩寃終是戀懷王也知峭直元無補判得沉淪總  
不妨兩兩芳名爭日月莫將興廢動悲涼

長沙送敏庵許先生

廿年師弟困驅馳千里江關更別離臺過鳳皇應有  
意賦成鸚鵡定誰知馮唐莫便嗟時晚李廣由來悵  
數奇一曲驪歌湘水暮叮嚀休再奏涼伊

送查黼皇歸黔

六年隔別各迤邐書画驚存米芾船十萬軍中曾草



檄尋常醉裏亦沉綿折腰漫說今爲吏捉鼻何須更  
問天但到鄉山逢故舊告言詩興尙如前

意無煩悲歎  
廿年相送困  
是亦海濱  
不世西  
空處  
孤城









